

建昌縣志歷修姓氏

明天順六年壬午

教諭署知縣事張

湜著草藁七卷未成

明萬曆四十六年戊午初修

知縣蒲秉權

教諭管天衢

訓導孫崇祖

葉高

縣丞姚光薦

主簿張重遷

山東僉事邑人徐中素

建昌縣志卷之首歷修姓氏

中學校尉豫章朱謀璋

兵部主事邑人熊德陽

鄖陽府同知邑人周國庠

兩淮通判邑人周國廉

益藩教授邑人戴邦傑

舉人涂必遷

貢生淦之龍

王朝楨

戴文選

國朝康熙十四年乙卯重修

知縣李道泰



原任戶科都給事熊維典

貢生袁懋芹

生員艾金城

呂大章

周紹濂

李聯捷

徐心正

孟師時

周炳

國朝道光元年重修

知府狄尚綱

建昌縣志卷之首恩修姓氏

知府劉體重

知縣馬旋圖

教授郭大經

教諭毛克豐

候補主事通政司經歷邑人郭祚熾

甘肅試用知縣邑人江炯

瀘溪訓導邑人顧漣

舉人馮家棟

副貢生汪瀚

歲貢生淦祖榮

生員熊應光

優廩生馮運霖

顧清映

刑部額外主事顧 莖

歲貢生陳景清

舉人淦本瀚

廩生劉 禮

生員熊 濤

廩生彭家招

附監生李光基

生員熊士和

燕 映

建昌縣志 卷之首 歷修姓氏

監生何 璟

生員邵家椿

廩生郭嗣汾

生員郭嗣瀚

郭邦祁

郭嗣淮

廩生盧承誥

郭嗣滔

生員盧承詔

陳 猷

郭嗣瀛

廩生張列宿

郭家權

盧承謙

生員盧承誨

盧承謨

盧承訓

郭汝為

同治十年重修

總修

欽加同知銜署建昌縣知縣加十級

陳惟清

監修

建昌縣儒學教諭

余崧

建昌縣儒學訓導

周夢麟

纂修

武寧縣儒學訓導前金谿縣教諭

閔芳言

刑部候補主事加一級

王士彬

協修

候委教諭

張雲錦

建昌縣志新修姓氏

廩貢生

劉煥采

校對

內閣中書

蔡揮桐

舉人

燕文炳

廩生

劉映清

廩生

呂炳甘

廩貢生

王士芳

增生

閔嘉齊

增生

邢希凱

編次

候選儒學教諭

司鑿

舉人

翰林院待詔附貢生

職貢

監生

候選知縣

繕書

廩生

附生

童生

郭時柱

陳際昌

陳思煊

皮宗焜

余建垣

燕溥韓

陳于茲

邢作礪

建昌縣志 新修姓氏

新修建昌縣志序

古稱作史之難無出於志顧志匪一端而已自一統志
宏括六合次則會垣各有通志府屬亦有郡志而要皆
取材於邑乘故必作為文章述其事蹟於以導揚盛美
備一邑之掌故乃足為諸志之權輿語有之莫為之前
雖美弗彰又曰高以下基洪由繼起其諸邑乘之謂歟
艾志自前明學博慈溪張公屬草檄未就嗣經邑侯營
陽蒲公編輯成書今皆散失無可稽矣迨我

朝康熙十四年暨嘉慶二十二年邑侯龍澤李公南原馬公
先後聘延邑給諫熊約生徵士袁伯采主政郭筠池三
先生相繼秉筆重加修輯是為李志馬志考二書義例

建昌縣志

新序

李志則云郡邑之志不嫌於詳凡補遺發隱弗憚搜求
而其繁稱縟氏滂載古蹟諸類或失之濫馬志則擇言
必精後引必確而以題詠景物為冗陋概從刪削舊牒
遺文為荒蕪不足采錄至一邑之所有或多缺遺所志
又失之畧夫燕哀作於前郭述於後如三先生者皆以
天資卓犖才識淹通又屬高年積學二志為其晚作宜
其追步班馬無慚矣乃覽嚴詳畧之間猶不免稍有所
憾若此則志之本在邑乘不益信乎其難哉然而其文
既足徵顯垂無前之偉烈其事亦具見悉令有美之必
彰開嘗綜而覽之而知其殘膏賸馥黏丐後人者固已
多矣今歲庚午春

邑伏桂平陳公來莅茲土甫下車卽招致邑人士議修
邑乘并以纂修見委自惟夙秉流庸學植荒落顧茲重
任實遠巡不敢當無如固辭不獲用是商諸比部王君
林川暨諸同人協力分任謹照

省局頒下規條悉心酌覈其與舊志體例有相符者襲
而因之或參差者比而合之補其所闕增其所遺而自
嘉慶以來五十餘年時事之變遷人心之澆樸風俗之
盛衰亦皆憑耳目所及據實援情筆記楮投是非必準
諸公義去取不存乎阿私此其兢兢自矢差堪在在自
信者耳特以短綆汲深井朽索馭六馬識者譏焉予不
敏勉從三先生後而無能爲役將是書之輯縱有前事

可師難言附驥彼異時之論保無後人流覽致誚續貂
嗚呼曩哲獨專美於千秋而衍其緒者竟莫繼其盛抑
何度量相越之至遠也是願後賢復起共諒厥心以匡
所不逮斯爲邑之幸乎竊益跂予望之

前任金谿縣教諭揀選知縣癸卯科舉人蘭仰蘭芳言
撰

新修建昌縣志序

善治者其有資於志乎夫以志之修地理爲要因地地理措
置之得以撫人民施政事維持風俗而諸凡附焉建邑志
自川萬歷戊午營陽蒲公因教諭張湜所草創者纂輯之
追我

朝康熙乙卯修於李公雍正壬子省修違志適供采錄至嘉
慶丁丑馬公又修之予以奉委下車披覽舊志知自宋元
嘉時以海昏遷建昌而邑之嗣多賢令蒞政建置累增章
程濟美人物則自劉孟高張進宏楊達夫後有以理學名
臣忠孝節義著者而文章科甲代不乏人曠遠則匡廬彭
蠡融結而成奧區近則修繕歐山萃精而鍾靈瑞邑縱衡
繁民多禩德則疊經兵燹旱澇而頽風可振百廢漸興方
今世際承平德宣黎庶輜通函夏檄遍方隅志無遺邑邑
無遺事上以昭一統志館之盛下以明萬方形勝之周庚
午五月敬奉

上憲札催勸諸孝廉閔蘭仲比部王林川邀集鄉紳釀金
設局詳加采錄彙集編次辛未三月是書始成予以職屬
有司荷治民施政之任竊欲因地制宜以維持風俗思新
取法於前垂憲於後者賴乎志是志也纖鉅畢書補增
密斯曰諸君子竭誠盡意成之付諸剞劂而予即於唐之
韋何宋之趙許睹成績而思繼美焉以爲報

同心一助云

同治十年辛未三月

欽加同知銜知建昌縣事加十級紀錄十次桂平陳惟清撰

建昌縣志

卷

類序

二

凡例

一省身類示體例除各門所附不計外總分十編五十四日檢登邑志數多不符體亦不備其各門小序仍舊可用者只十之三闕者十之七俱遵照定例逐門補作

一舊志各門小序古雅絕倫深得龍門論贊筆意凡體例符合者悉仍其舊未敢任意改作每序末必分註李志馬志以別之

一修江入景傳爲勝迹前代騷人逸士以及過客名流往往作爲詩歌摹擬盡致馬志以事涉冗陋概從刪削茲仍仿照李志收入古蹟諸詩亦並列藝文

一壇廟有關祀典必須備紀興廢至寺觀近遭兵燹被燬者多興復者亦不少特散處四境未易周知故興廢有不及詳書者

一公廨如縣治大堂及考棚正在經營落成凡監造捐貲人姓名皆據實備紀

一曰賦戶口舊志昉自有明以前無可稽考茲確查見在奉行款項逐條登記其舊志所載並仍之

一自道光十年後天災流行頻年告澇無歲不緩無緩不獨而且撫卹圩帑連年疊禱

聖恩惟從前各年蠲緩豁免實數兵燹後無冊可稽謹照藩署鈔錄備紀其數以昭

一 亦以先賢位次及遵豆牲之數誌據

一 清會典學宮備考二書詳為補入邇來殿宇摧殘得馬口八家紳士捐貲修理特作記以紀其事

一 自軍興以來建昌團練最著成效然閱時已踰數歲承辦匪止一人其間不無利害得失有不能不據事直書者

至陣亡死難之人亦皆稽查冊案一律登記

一 職官選舉二門舊志不無遺漏但世遠年湮無從稽考至近今數十年間苟有傳聞足據及謄牒可憑者必悉

為登記

一 熊約生袁伯采兩先生前志俱入文苑然考熊在當時望重山斗而是不入城市者數十年是能全身而不貶

建昌縣志 凡例

二

節守己而不徇人允為士林模範袁亦高才博學名動公卿而深自韜晦祇築榮莊以奉母託詠歌以自娛合而觀之兩先生之行事有較重於文而不容盡為文掩者茲再三參酌一並列儒林一改入隱逸庶少表其節

操並堪想其風微

一 藝文志昉自漢書後人多宗之閱明康對山武功志藝文附刻各條下襲行夾寫較他志觀覽尤便紀曉嵐先生以為可法茲特仿之惟詩則入藝文其有人地藉藉而傳者亦附一二

一 藝文志首列邑人古文次列詩末附各處名流題贈諸作均分時代以

一志乘之修上以敷揚

聖治下以紀載文獻傳後信今關係最鉅第慮後有改竄字面或插換卷頁以致公私混淆虛實罔據今於各卷下將頁數詳悉載明以垂久遠

卷之首

志序 共肆頁

舊序 共柒頁

歷修姓氏 共肆頁

新修姓氏 共貳頁

凡例 共貳頁

目錄 叁頁

建昌縣志 目錄

圖 共柒頁

上諭 共陸拾貳頁

卷之一

地理志

星野 貳頁 疆域 壹頁 鄉圖 叁頁 沿革 捌頁 山川 形勝附拾陸頁

水利 拾頁 津梁 陸頁 古跡 柒頁 風俗 叁頁 物產 叁頁

卷之二

建置志

城池 貳頁 壇廟 捌頁 公廨 伍頁 附寺觀 養濟院 漏澤園

卷之三

食貨志

戶口 肆頁 田賦 額徵蠲緩雜 倉儲 叁頁 漕運 肆頁

驛鹽 叁頁

卷之四

學校志

學宮 拾陸頁 學制 額學山書院 社學坊表附 共拾伍頁

卷之五

武備志

兵制 肆頁 武事 貳拾肆頁

卷之六

職官志

文職 拾玖頁 武職 壹頁 名宦 拾頁

建昌縣志 目錄

卷之七

選舉志

薦牌 拾肆頁 進士 拾頁 鄉舉 拾伍頁 五頁 拾頁

仕籍 雜途附共 叁拾頁

卷之八

人物志

名臣 拾頁 宦業 捌頁 理學 肆頁 儒林 捌頁 文苑 伍頁

忠義 伍頁 孝友 玖頁 善士 伍頁

卷之九

人物志

隱逸 叁頁 方技 貳頁 列女 伍拾頁 寓賢 肆頁

卷之十

藝文志

文 共陸拾肆頁

卷之十一

詩 共陸拾頁

卷之十二

雜類志

仙釋 貳拾貳頁
坐墓 叁頁
祥異 柒頁
軼事 肆頁

建昌縣志

目錄

三

初修原序

明邑令 蒲秉權

一邑之志於天下爲小然合諸邑爲一天下則邑志所關又爲大嘗試考之周官以太史內史掌六典入枋而小史掌邦國之志外史掌四方之志則未始躋重天下而輕一邑矣是故萬家之都有繩莫以扶也百里之達有準莫以平也至括邑爲乘僅僅尺幅聞耳其間璣衡之錯陳陳世代之遠邈封域之廣輸財賦之登耗民俗之淳駁天喬歧飛之變態與夫畸人之所爲任士之所勞以及嫠婦季女之所矢靡不畧然臚列而燦然圭撮也是所以繩繩而準準者也胡可缺也蓋余嘗謂邑之有志譬如人之有眉眉無與夫五官之事而不可不表於

建昌縣志

原序

五官之上苟削之闕之形雖魁然大也而神色不覺厭然沮矣建昌故稱艾子國爲豫省會外護而又匡廬彭蠡融結而成輿區計必有紀載之書用以彰往而啓來乃余初承乏茲土索而讀之僅一烏有先生耳因契然寤嘆曰此鉅典也而殘缺乃爾耶將蒼頡氏不必代結繩而祖龍之秉畀炎火者聖於姬籙之郁郁乎卽圖組而鏡之時以災沴之後邑用告緦姑謙讓未遑焉乃近者微天之幸不至嘆雲漢而歌匏子則於時爲豐於象爲泰倘於斯志不爲鼎而爲需余竇恥之遂謀諸徐應兩君暨朱國尉國南相與我之故牒叅之近事獵其幽微蒐其放失訂爲邑乘凡十卷付之剞劂是書也哉

三妙損益於諸家抒藻思於獨智要以本之天理其
質之長老庶正括始終之數纂取舍之公不可謂非文
獻之一也也矧其大者我太祖高皇帝觀文化成爲此
邑州德親灑宸翰雕龍吐鳳耀日炳星夫旣載拜稽首
哀然勒之集中洋洋聖謨神物呵護旣徵且尊允足以
藉不朽又況乎方伯王公爲一代鴻匠奚減元晏復不
靳以霏霏玉屑爲茲乘冠眞所謂附驥之尾而行益遠
者也若曰其義則竊取之夫知我罪我尼父大聖猶有
懼心焉予小子又烏乎敢

重修原序

國朝邑令

李道泰

道泰紹艾城之綬四載是爲癸丑乃奉

新命緝專城之志以塵

新命緝專城之志以塵

甲乙觀夫艾城當南北孔道往來塵足無停晷間或問
風俗采幽隱雖得於故老書生之談而慮耳目有窮所
爲頭白可期汗青無日者乃謁鄉先生熊約生之門并
翻舊志參以耳目又得文學袁子懋芹而互訂之不至
閣筆相視著述無主矣約生先生久擅行篋而好集聞
見以墅老小乘之手口滙爲史料筆記掌授而文章之
樂事出至於破疑去讒削野歸正必使筆信可傳不使
墨默受染此則建昌志之大畧也夫禹貢紀山川不絕
風俗風俗由上所成則蚊負而蟻治者愈增跼蹐道亦
坐閭艾城六寒暑日披入十六圖之山川而所云歸者

能無澤菴之不衰新者能無改作之尙擾乎仙者能無
桃之避甘者能無茶之茹乎問永甯能無雞犬之驚說
豐德能歌襦袴之有乎受者未厭而修者已倦鈞安於
水乎交易而作息者安於市鎮乎欲因此山川以成風
俗不免襍線而製錦愧前而望後者矣則此志爲將來
治譜也至於蠟歌而刻名則尤道秦所增苑矣

邑人 熊維典

郡縣大小鮮不有志鮮不謂志猶史也然綜而覽之有
頌無規有勸無懲有溫無栗也史然乎哉彼詩非虛也
以其寓美刺焉故世云詩史志而史也夫豈徒然寧空
同曰小故詳大則概此言概者通志詳者郡邑之志也

建昌縣志

原序

三

通志有名宦人物而無紀政酷吏惟其概也卽以靡不
錄見外而無煩錄舉郡邑之志則吏之良苦政之弛張
民之利病俗之醜恍皆有所由然舉得詳焉此之謂猶
史古者天子不自觀史其設史官也則以其言若勸委
之而不撓其直筆用爲異時殷鑒因有所畏謹而不敢
恣則務厚其躬以端本澄源周禮所謂史掌官書以贊
治是也今宰牧之官亦百里之君民之師帥也其見任
以俟之論定則夫畧定哀而詳於隱桓尙亦有裨於觀
省然而視善者往往嫌於指斥矯爲觀美欲處其厚而
不居其實於不知諷之者不足以戒亦無取焉昔朱呂
鄉約無賞罰非無規勸唐賢記廳事壁猶以不虛美不

隱惡爲涖官者勸沮而志則缺焉如贊治何故小則詳者郡邑之志也蓋不罪其詳之也雖以史爲志之良焉可也建昌縣志缺焉不修者垂六十年會修通志太守廖公聞秦豫志良購示屬邑俛奉爲式邑侯龍澤李公謂志莫詳於縣直道存焉而焉以概式詳於是就其陳編徵諸里社而爲之正謬芟蕪補遺發隱於以考失得昭鏡戒期足以爲邑人吏百年著龜此其義例之精審故有不式於秦豫而式於史者非但備通志之掌故以爲筆削之取材而已授梓旣竣見委序之予知侯之非苟作者也故爲推猶史之說而弁諸簡端云

重修原序

太守

狄尚絅

建昌縣志

原序

四

鄭樵曰江淹有言修史之難無出於志誠以志者憲章之所繫非老於典故者不能也然樵所作通志猶不免貽謗後人則洵乎其難哉建昌自漢以來著名豫章或爲繁或爲望地與之沿革政理之醜述人物之澳萃較他縣更宜詳攷有明萬厯間知縣蒲秉權分門別類纂輯成書雖未臻醜備亦足以彰往察來而微顯幽闕矣國朝康熙十四年知縣李道泰因仍增修藉以不墜其各門小序言簡意該辭淡旨遠誠得史論之長但沿革雜舉官制封蔭混乎宮秩體既不合旋亦非倫他如寓賢概列私賓家塾竟入書院繁稱釋氏消載古跡卷頁則各部不同篇什則次第不續凡此種種旣難信今豈足傳

後於憲章典故所不能無憾者余忝守康郡每於政事之暇繙閱舊志未嘗不廢書而三嘆焉又計其重修及今已百數十年仰維

國家

列聖相承涵浴薰陶卽山陬海澨民風治化視昔有加猗文考獻守斯土者之責也是檄四屬令各延淹通之士慎重修輯而建白郭筠池先生以高年博學爲纂修參考諸書問採舊聞分爲八綱各列條目其類無所不該當削而姑存者踰之雜志增損釐訂悉出至公禮樂政要本乎憲章人物藝文詳之典故允堪垂諸不朽爾茲舊志之功臣若夫文省於前事詳於舊圖可一覽而知無待余之贅美也梓旣竣書此序之

建昌縣志

馬序

五

邑令馬旋圖

禹貢奠山導川分州辨土則三壤以定田賦區五畝以詳貢篚是卽九州志也至周官賦方氏表九州山經與其數澤川浸男女眾寡九穀六畜所宜凡竹箭菑漆林絲枲織悉必書所志則又加詳史記漢書均列其備而司馬天官等書班氏地理禮樂食貨等志則亦亦志也方今

聖天子輿圖式廓志一統以昭撫馭因而郡邑各有志者資觀覽覽疆域之廣當思鞭長難及一已耳目

也覽其陵原隰當思民生其間者風俗異宜也觀民數
眾寡徭賦重輕當思何以殖之而均之也觀人物盛衰
則知教治之淺深觀土產豐耗則知閭閻之憂樂觀禮
制而動恪遵之意觀建置而思樽節之方入於目觸於
心開卷有益此志之所為有裨於治也予以嘉慶乙亥
緒綬艾城皇然未識其所措今既歷三載晨夕淬礪猶
苦不得其卻竅而批導之夏間賢郡伯狄公與廢舉墜
念及郡志檄行四屬先修邑志以供採取邑人士推郭
筠池先生為纂輯舉詳於考覈者若而人明於體裁者
若而人長於斷制者若而人四越月而藁成因得周覽
靜觀而知治又之先後緩急重輕犁然若有可循益用
日有孜孜庶幾不忝於職是役也檄初下亟商募費適
邑中某等舊立課會文像祀

邑人郭祚熾

文昌有醮金願輸之以成事予又樂乎諸君子之有志竟成
也不欲以不文辭而為之序

建邑之志自明天順六年慈溪張君湜以教諭攝縣篆
草創纔七卷謂事去逮萬曆四十六年戊午邑侯營陽
蒲公矢志纂修時張志已殘缺散佚無所因依而公定
程式廣搜羅以成帙故蒲為志建邑之始厥功甚偉迄

我

朝康熙十四年乙卯邑侯龍濟李公倡再修邑給事中熊維

與貢生袁懋芹秉筆助之以蒲志爲徵實仍其門類補
所未詳續所應入犁然可觀迄今百四十年矣欣逢郡
伯相圃先生蒞康郡數載修城興學政要以次具舉今
夏起意修輯郡志檄下四屬令先就縣乘以備採錄邑
侯馬公集邑上紳誼之咸以齒長或多舊聞推予予自
維學殖荒淺堅謝不獲因竭昏耄與諸同志畫爲門類
俾各任所長而分責之顧事繁於舊或不得文省於前
且蒲志天順六年至萬曆四十六年年僅五十九今去
李志年百四十餘除省志郡志及各文集查可憑者據
實添入若僅得諸傳聞恐涉悠謬茲博採羣參務求一
是舉所共信者登之至山塘菴廟小渡溪橋有舊已入
志者未便以意刪汰其舊所不載原無關重輕非有已
往名流詩詠序記概畧焉嘉慶二十二年丁丑冬季彙
就呈府爲紀其大畧如此

建昌縣山川學宮
 署解書院全圖


周官云詔觀事則有志詔觀地則有圖天是東壁
 爲圖書府故學者必左圖右史取其瞭於目卽瞭
 於心也况一邑之版宇名勝綦遼且濶詎可以摹
 盤索乎茲爲圖六繪列卷首使八十六里之山川
 原隰可卧遊焉




縣城圖



學宮圖



縣治圖



幕廳

崇積庫

儀仗庫

案前神壇

東班
吏廳

馬院

土地祠

正堂

文東
文西

大成殿

崇聖祠

西廡

東廡

戟門


鄉賢祠

名宦祠

忠義祠

橋星門

照



御箴碑亭

白馬廟

金平堂

寧陽旌善亭

廳幕

學陶庫

迎賓館

宅

堂

堂

堂

門

門

墻

雲居山圖



走馬嶺

桃峰

游方嶺


洪覺道場

石鼓

歡喜石

馬尼水

修江書院圖



修江書院

柱影亭

登雲橋

六

建昌縣志卷之首

上諭

維上天有風霆之教斯聖王有綸綍之宣我朝

列聖相承本諸小心之翼翼

宵旰精勤發為

聖謨之洋洋日星炳煥凡屬士民皆當書萬本而誦萬遍矣顧書籍久殘於兵燹僻陋或域於見聞而邑乘尤限於篇幅則皆有未易遍觀而盡識者茲敬就舊志所述恭錄於首卷以冠全部雖紀

文不過堯典虞書之數而

建昌縣志卷之首 上諭

垂訓實同禹鼎湯盤之銘庶既徵我

國家億萬年有道之長之所基且使偏隅下邑咸知所遵法而率由有準焉謹志

上諭

諭興文教 順治十二年

上諭禮部朕惟帝王敷治文教是先臣子致君經術為本自明末擾亂日等干戈墮問之道闕焉未講今天下漸定朕將興文教崇經術以開太平爾部即傳諭直省學臣訓督士子凡理學道德經濟典故諸書務要研求深貫博古通今明體則為真儒達用則為良吏果有此等實學朕必不次簡拔重加任用又念先賢之訓仕體則學仍傳諭內外大小各官政事

之國亦須留心學問俾德業日修識見益廣佐朕右文之治
待諭

御製人臣儆心錄序

順治十二年

朕惟人臣立身制行太諸一心心正則爲忠爲直眾美集焉不
正則爲姦爲慝羣惡歸焉是故心者萬事之本美惡之所由
出也顧事有殊途心惟一致一於國則忘其家一於君則忘
其身如此者不特名顯身榮邦家亦允賴之矣若夫姦邪之
流樹黨營私怙權亂政卒至身名俱喪爲國厲階蓋緣居位
無正心之功一當勢利遂昏迷奢亂狂肆驕矜上昧王章下
乖臣誼或作威而聯羽翼或比匪而效奔趨如譚泰石漢以
累世舊臣久叨恩遇不思圖報逞意橫行跋扈自恣目無綱
建昌縣志卷之首上論
紀陳名夏則一介豎儒驟蒙顯拔倚任深重賜資優隆而乃
背德植交蔑法罔上此皆自作罪孽以致隕厥身家朕歷稽
往古宵人誤國代代有之觀諸近事復爛鑒昭然足爲永戒
恐後之爲臣者或仍蹈覆轍負主恩而渝素志至於身罹刑
憲悔悼無由故推原情狀而論列之錄成一編以爲人臣儆
心之訓云

諭禁左道惑眾

順治十三年

上諭禮部朕惟治天下必先正人心人心必先黜邪術儒釋
道三教並垂皆使人爲善去惡反邪歸正遵王法而免禍患
此外乃有左道惑眾如白蓮等教名色起會結黨
夜聚曉散小者誣惑大者招納亡命希謀不

軟無知小民被其引誘迷罔顛狂至死不悟歷考往代覆轍昭然深可痛恨向來屢行禁飭不意餘風未殄隨其邪術者實繁有徒京師輦轂重地借口進香張幟鳴鑼男女雜祿喧填衢巷公然肆行無忌若不立法嚴禁必爲治道大蠹雖倡首奸民罪皆自取而愚蒙陷網罹辟不無可憫爾部大揭榜示今後再有踵行邪教仍前聚會燒香歛錢號佛等事在京著五城御史及地方官在外著督撫按道有司等官設法緝拿窮究奸狀於定律外加等治罪如或徇縱養亂爾部卽指參處治特諭

頒示賦役全書序

順治十四年

朕惟古帝王臨御天下必以國計民生爲首務故禹貢則壤定

建昌縣志卷之首

上諭

三

賦周官體國經野法至備也當明之初取民有制休養生息至萬曆年間海內殷富家給人足及乎~~天~~啓崇禎之世因兵增餉加派繁興貪吏緣以爲奸民不堪命國祚隨之良足深鑒朕荷

上天付託之重爲生民至一夫不獲亦疚朕懷凡服御饔羞深自約損然而

祖宗百神軍旅燕饗犒錫之繁以及百官庶役餼廩之給罔不取之民間誠恐有司額外加派侵蝕侵瀆中飽民生先困國計何資茲特命戶部右侍郎王~~承~~祚將各直省每年額定徵收起存總數撰數編撰成帙詳稽往贖參酌時宜凡有參差遺漏悉行駁正錢糧則例俱照萬曆年間其天啓崇禎時加

行蠲免地丁則開原額若干除荒若干原額以萬厯刊
書為準除荒以覆奉御旨爲憑地丁清核次開實徵又次開
起存起運者部寺倉口種種分晰存留者款項細數事事條
明至若九釐銀舊書未載者今已增入宗祿銀昔爲存留者
今爲起運清白一糧確依舊額運丁行月必令均平胥襖悉
甲昔解本色今俱改折南糧本折昔留南用今抵軍需官員
經費定有新規會議裁冗改歸正項本色絹布顏料銀朱銅
鉛茶蠟等項已改折者照督撫題價值開列解本色者照刊
書價值造入每年督撫確察時值題明填入易知單內照數
辦解更有昔未解而今宜增者有昔太冗而今宜裁者俱細
加清核條貫井然後有續增地畝錢糧督撫按彙題造冊報
建昌縣志卷之首 上論

四

部以憑稽核綱舉目張勒成一編名曰賦役全書頒布天下
庶使小民遵茲令式便於輸將官吏奉此章程罔敢苛斂爲
一代之良法垂萬世之成規雖然此其大畧也若夫催科之
中寓以撫字廣招徠之法杜欺隱之奸則守令之責也正已
率屬承流宣化嚴出納之數慎那移之防則布政司之責也
舉廉懲貪興利除害課殿最於荒墾昭激揚於完欠恪遵成
法以無負朕足國裕民之意則督撫之責有特重焉其敬承
之毋忽

諭各陳利弊

康熙六年

上諭吏部等大小各衙門民爲邦本必使家給人足安生樂業
有以天下之治今聞直隸各省人民多有失所疾苦窮

困深可軫念或係官吏貪酷剝削生民或係法制未便致民
失業今當如何而後使得遂其生計凡一切關係民生利病
應行應革事宜著內外各衙門大小文武等官各抒確見陳
奏勿隱以憑採擇施行但不許以浮泛虛文及無益於民之
事傳瑞等具奏著吏兵二部傳諭遵行特諭

諭 嘉慶九年

上諭 朕惟恐天下治之世不專以法令爲務而以教化爲先其
治人心而民風樸樸厚刑措不用比屋可封長治久安茂登
上理盡法合禁於一時而教化維於可久若徒恃法令而教
化不先是令不而務天也近見風俗日敝人心不古羣凌成
習借濫多端狙詐之習日王獄訟之興靡已或豪富凌輒孤
建昌縣志 卷之首 上諭

五

實或劣紳武斷鄉曲或惡衿出入衙署或蠹棍詐害善良在
符之劫掠時聞警忿之殺傷疊見陷罹法網刑所必加誅之
則無知可憫宥之則憲典難寬念茲刑辟之日繁良由化道
之无善朕今欲法古帝王尚德緩刑化民成俗舉凡敦孝弟
以重人倫篤宗族以昭雍睦和鄉黨以息爭訟重農桑以足
衣食尚節儉以惜財用隆學校以端士習黜異端以崇正學
講法律以儆愚頑明禮讓以厚風俗務本業以定民志訓子
弟以禁非爲息誣言以全善良誠窩逃以免株連完錢糧以
省催科聯保甲以弭盜賊解書忿以重身命等項作何訓迪
勸導及作何責成內外文武該管各官督率舉行爾部詳察
典制定議具奏特諭

上諭一自用兵以來軍需浩繁直省地方百姓供億煩苦深可憫惻各該督撫務須潔已率屬加意撫綏嚴禁有司勿得橫徵私派及借端供應兵馬需索科斂官吏分肥如有此等弊端該督撫卽行據實指參如或徇庇別經發覺並該督撫一併從重治罪

御製

至聖先師孔子贊

并序

康熙二十五年

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰遡前徽堯舜禹湯文建昌縣志卷之首

上論

六

武達而在上兼君師之寄行道之聖人也孔子不得位窮而在下秉剛述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣

巡省東國謁祀闕里景企滋深敬摘筆而爲之贊曰

清濁有氣剛柔有質聖人參之人極以立行著習察含道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦

生有傷農事所在官吏亟宜先時預防直隸山東山西河南
陝西江北地方歷年積貯倉糧果否足額該督撫宜確加稽
核務使廩有餘儲不致匱乏其一切應行預備事宜須悉心
講求料理縱年歲不甚豐稔亦可賑濟無虞至直隸各省現
今雨澤有無多寡著該督撫卽行具摺奏聞以紓朕宵旰憂
民之意爾部卽遵諭行特諭

御製訓飭士子文

康熙四十一年

國家建立學校原以興行教化作育人材典至渥也朕臨御
以來隆重師儒加意庠序近復慎簡學使整剔弊端務令風
教修明賢才蔚起庶幾棧樸作人之意乃比年士習未端儒
效罕著雖因內外臣工奉行未能盡善亦由爾諸生積習已
建昌縣志 卷之首 上諭 九

久弊難改易之故也茲特親製訓言再加整飭爾諸生其敬
聽之從來學者先立品行次及文學學術事功原委有敘爾
諸生幼聞庭訓長列宮牆朝夕誦讀寧無講究必也躬修實
踐砥礪廉隅敦孝順以事親秉忠貞以立志窮經考業勿雜
荒誕之談取友親師悉化僞益之氣文章歸於醇雅毋事浮
華軌度式於規繩最防蕩軼于矜佻遠自昔所譏苟行止有
虧雖讀書何益若夫宅心弗淑行已多愆或蜚語流言脅制
官長或隱糧包訟出入公門或唆撥姦猾欺孤凌弱或招呼
朋類結社邀盟乃如之人名教不容鄉黨弗齒縱俸脫襖掛
濫竊章縫返之於衷寧無媿乎況乎鄉會科名乃抡才大典
關係尤鉅士子果有真才實學何患困不逢年顧乃標榜虛

... 實緣詭遇固顧身家又或改竄鄉土希圖...
... 利營私種種弊端深可痛恨且夫士子出身之
... 正行嘉慶初拜獻便已作姦犯科則與時賊類
... 又安望其秉公持正爲國家宜飲樹績膺後先
... 用嘉惠爾等故不禁反復惓惓茲訓言頒到
... 朕心恪遵明訓一切痛加改省爭自濯磨積行
... 進國家三年登進束帛弓旌不特爾身有榮即
... 亦增光寵榮達時得志寧俟他求哉若仍視爲具文
... 方躍治暴棄自甘則是爾等冥頑無知終不能
... 培復于咎戾王章具在朕亦不能爲爾等寬
... 內而國學外而直省鄉校凡學臣師長皆有司
... 卷之首 上諭

十

御製平定朔漠告成太學碑

康熙四十三年

惟天盡所覆海內外日月所出入之區悉以界予一人自踐
阼迄今蚤夜殫思休養生息冀臻熙皞以克副維皇大德好
生之意庶幾疆域無事得以偃兵息民迺厄魯特噶爾丹恒
險北陲困此一方人既荼毒塞外輒狡焉肆其南逆犯我邊
鄙虐我臣服人用弗寧夫蕩寇所以息民撥外所以安內邊
寇不除則吾民不安此神人所共憤天討所必加豈憚一人
之勞弗貽天下之逸... 斷自朕心... 朔漠欲使悔而革
心故每許以不... 三出絕塞朕皆親御以

不毛屢涉寒暑勞苦艱難與偏裨士卒共之追彼在
外又謐惟朕不得已用兵以安民既告厥成事迺蠲釋膏灾
潔事禋望爲億兆祈昇平之福而廷臣請紀功大學垂示來
茲朕勞心於邦本嘗欲以文德化成天下顧茲武略廷臣僉
謂所以建威消萌宜昭斯績於有永也朕不獲辭攷之禮王
制有曰天子將出征受成於學出征執有罪反釋奠於學以
訊馘告而泮宮之詩亦曰矯矯虎臣在泮獻馘又禮王師大
獻則奏愷樂大司樂掌其事則是古者文事武事爲一折衝
之用具在樽俎之間故受成獻馘一歸於學此文武之盛制
也朕嚮意於三代故斯舉也出則告於神祇歸而遣祀闕里
建昌縣志

卷之首

上論

十一

茲允廷臣之請循禮先師以告克之遺意而於六經之指爲
相符合也爰取思樂泮水之義爲詩以銘之以見取亂侮亡
之師在朕有不得已而用之之實或者不戾於古帝王伐罪
安民之意云爾銘曰

巍巍先聖萬世之師敬信愛人治平所基煌煌聖言文武道
一禮樂征伐自天子出朕臨域中逾茲三紀嘗見羹墻寤寐
永矢下念民瘼上承帝訓四海無外盡隸候尉維彼兇醜瀆
亂典常旣梗聲教遂窺我疆譬之於農患在螟螣秉畀不施
將害稼穡度彼游魂險遠是怙震以德威可往而取朕志先
定龜筮其依屬車萬乘建以龍旗祝融駭鸞風伯戒途宜賜
而賜利我藉蘇大野水涸川清効靈泉忽自湧其甘如醴設

爲犄角一出其西一出其東中自將之絕域無人獸羣
五日窮追彼狂走險大殲於路波血其孳翦其黨孽倖彼
徒眾烏晝號單馬宵遁恐久駐師重爲民困慎固戍守還
於京自夏徂冬雨雪其零載馳載驅我行至再蠢茲窮寇
怒不悔我邊我氓以休以助爰寧其居爰復其賦藩落老
斯恬斯嬉歲晏來歸春與之期春風飄颻揚我旆旆我
手邁如涉我郊言秣我馬狼居胥山登高以眺閔彼禪
丸天降兇罰孤雛就羈三駕三捷封狼與尸旣腊梟獍
旣獮豺豕夫漫西北解甲棄戈振旅凱入澤霈郊卜明
禋肆赦用迓景福昔我往矣在泮飲酒陳師鞠旅誓屈
羣醜今我來思在泮獻功有勳頌聲文軌來同採芹採
藻頌興東魯車攻馬同森赫

建昌縣志

卷之首

上諭

十一

石鼓師在安民非出不得已古人有作昭示此旨緬維虞廷
敷文德聖如先師戰慎必克惟兵宜戢惟德乃綏億萬斯年
視此銘詞

諭免積欠錢糧

康熙四十五年

上諭戶部朕子育黎元日求所以休養利濟之道念惟賜租
賦實有裨益於民生直隸各省錢糧次第全蠲一年者業經
數舉獨是歷年逋負積累加增舊稅新徵勢難兼辦縱使少
寬民力分年帶輸而督令績完仍多拮据朕旒懷及此深切
軫恤是用蠲逋已責大沛恩膏俾閭閻獲免追呼官吏亦不
罹參罰直隸山東積欠錢糧今年俱已蠲免其山西陝西甘
肅江蘇安徽浙江江西湖北湖南福建廣東各省自康熙四

十三年以前未完地丁銀二百一十二萬二千七百兩有奇
糧一萬五千七百石有奇著按數通行豁免或舊欠已完在
官而現年錢糧未完足者亦准扣抵諭旨到日各該撫立行
所屬張示徧諭有不肖有司以完作欠朦混銷算及開除不
清者該督撫卽時題參嚴加治罪爾部卽遵諭行特諭

諭蠲免錢糧

康熙五十一年

上諭戶部朕宵旰孜孜勤求民瘼永惟惠下實政無如除賦蠲
租除每歲直省報聞偶有水旱災傷照輕重分數豁免正供
仍加賑卹外將天下地丁錢糧自五十年爲始三年之內全
免一週使率土黎庶普被恩膏除將直隸奉天浙江福建廣
東廣西四川雲南貴州及山西河南陝西甘肅湖北湖南各
建昌縣志卷之首上諭

十三

直省康熙五十年五十一年地丁錢糧一概蠲免歷年舊欠
錢糧一併免徵外所有江寧安徽山東江西各撫屬除漕項
外五十二年應徵地畝銀共八百八十二萬九千六百四十
四兩有奇人丁銀共一百三萬五千三百二十五兩有奇俱
著察明全免其歷年舊欠銀二百四十八萬三千八百二十
八兩有奇亦並著免徵計三年之內總免過天下地畝人丁
新徵舊欠共銀三千二百六萬四千六百九十七兩有奇各
該督撫務須實心奉行體朕恤民至意如有侵欺隱匿
使惠不及民借端科派者卽行參督撫失察事發之
日亦嚴加究治諭旨到日各該撫示城郭鄉村咸使知悉爾
部卽遵諭行特諭

論表章朱子

康熙五十一年

上諭朕自沖齡卽好讀書亦好寫字一切經史靡不徧閱成誦在昔賢哲所著之書間或字句與中正之理稍有未符或稍有瑕疵者後儒卽加指摘以爲理宜更正惟宋之朱子註明經史闡發載籍之理凡所撰釋之文字皆明確有據而得中正之理今五百餘年其一句一字莫有論其可更正者觀此則孔孟之後朱子可謂有益於斯文厥功偉矣朕旣深知之而不言其誰言之於朱子宜何如表章崇奉爾等與九卿會同具議以聞

諭報增人丁永不加賦

康熙五十二年

上諭海宇承平日久戶口日繁地畝並未加廣宜施寬大之恩

建昌縣志

卷之首 上諭

十四

共享恬熙之樂嗣後直隸各省地方官遇編審之期察心增益人丁止將實數另造清冊奏聞其徵收錢糧但據康熙五十年丁冊定爲常額續生人丁永不加賦仍不許有司於造冊之時藉端需索用副朕休養生息之意

御製周易折中序

康熙五十四年

易學之廣大悉備秦漢而後無復得其精微矣至有宋以來周邵程張闡發其奧惟朱子兼象數天理達歎而定之五百餘年無復同異宋元明至於我朝因先儒已開之微旨或有議論已見漸至啓後人之疑朕自弱齡留心經義五十餘年未嘗少輟但知諸書大全之駁雜奈非專經之純熟深知大學士李光地素學有本易理精詳特命修周易折中上律河

浴之本末下及眾儒之考定與通經之不可易者折中而取之越二寒暑甲夜披覽片字一畫斟酌無怠康熙五十四年春告成而傳之天下後世能以正學爲事者自有所見歟

御製康熙字典序

康熙五十五年

易傳曰上古結繩而治後世聖人易之以書契百官以治萬民以察周官外史掌達書名於四方保氏養國子教以六書而考文列於三重蓋以其爲萬事百物之統紀而足以助流政教也古文篆隸隨世遞變至漢許氏始有說文然重義而畧於音故世謂漢儒識文字而不識子母江左之儒識四聲而不識七音七音之傳肇自西域以三十六字爲母從爲四聲橫爲七音而後天下之聲總於是焉嘗考管子之書所載建昌縣志卷之首上論

十五

五方之民其聲之清濁高下各象其川原泉壤淺深廣狹而生故于五音必有所偏得則能全備七音者鮮矣此歷代相傳取音者所以不能較若畫一也自說文以後字書善者於梁則玉篇於唐則廣韻於宋則集韻於金則五音集韻於元則韻會於明則洪武正韻皆流通當世衣被後學其傳而未甚顯者尙數十百家當其編輯者自謂毫髮無憾而後儒推論輒多同異或所收之字繁省失中或所引之書濫疎無準或字有數義而不詳或音有數切而不備曾無善兼美具可奉爲典常而不易者屢見每念經傳至博音義繁賾據一人之見守一家之說未必能曾通周缺也爰命儒臣悉取舊籍次第排纂切音解義一本說文玉篇兼用廣韻集韻韻會正韻

其後一書一音一義之可採者靡有遺逸至諸書引語
者則自經史百子以及漢晉唐宋元明以來詩人文士所
莫不旁羅博證使有依據然後古今形體之辨方言聲氣之
殊部分班列開卷了然無一義之不詳一音之不備矣凡五
編歲而其書始成命曰字典於以昭同文之治俾承學稽古
者得以備知文字之源流而官府吏民亦有所遵守焉是爲
序

諭豁免帶徵地丁 康熙五十六年

上諭戶部朕撫馭寰宇五十餘年夜寐夙興爲小民勤求生遂
八率土遠近皆期共享樂利聿成家給人足之休未嘗一日
不履諸懷也數十年以來各省正賦屢經全免歷年積欠亦
史昌縣志卷之首 上諭

其

蠲徵偶有雨澤愆期或發倉廩散給或截漕糧賑救不惜數
萬萬金錢米穀頻沛恩施誠念窮簷之艱慮其至於顛連失
所耳近者民力雖已稍紓然念分年帶徵銀兩若不格外優
寬則小民一歲所獲分納二年之賦以其贏餘養贖室家斷
難充足朕每懷及此軫惻良深宜更加殊恩通行豁免今將
直隸安徽江蘇浙江江西湖廣西安甘肅等八處帶徵地丁
屯衛銀二百三十九萬八千三百八十兩有奇概免徵收其
漕項雖例不准免亦著破格施恩將安徽江蘇所屬帶徵漕
項銀四十九萬五千一百九十餘兩米麥豆一十四萬六千
六百一十餘石內蠲免各半兩部卽行文該督撫嚴飭所屬
實心奉行編緝冊籍無徵催之累均沾實惠用

此輩羣動至意倘有不肖有司借端侵濫私行徵收者該
撫嚴察參處如故習無失察一併從重處分爾部卽遵諭行
特諭

御製性理精義序

康熙五十六年

朕自沖齡至今六十年來未嘗少輟經書唐虞三代以來聖賢
相傳授受旨性而已宋儒始有性理之名使人知盡性之學
不外循理也故敦好典籍於理道之言尤所加意臨莅日久
玩味愈深體之身心驗之政事而確然知其不可易前明纂
修性理大全一書頗謂廣備矣但取者太煩類者居多凡性
理諸書之行世者不下數百餘其病其矛盾也爰命大學士
李光地說擇述覽授以編纂其品目撮其體要旣使諸儒
建昌縣志卷之百上論

七

之闡發不難於支蕪復使學者之披尋不苦於繁重至於圖
象律曆性命理氣之源前人所未暢發者朕亦時以己意折
中其間名曰性理精義頒示天下讀是書者自有所知也已

諭恤老

雍正元年

上諭戶部恩賜老人原爲崇年尙齒而地方賞老人者每州縣
動數千金司府牧令上下通同侵扣吏役復任意需索老人
十不得一上負曠典弊不容違令飭令督撫嚴查務令有司
親自沿鄉訪查如有侵扣者一經查出定行不謹朕若訪出必加失察之罪
前弊立即參
再老人九十以上者州縣不時存問其或孤寡及子孫負不
能養者

行實惠特諭

諭旌表

雍正元年

上諭禮部致治之要首在風化移風易俗莫先於鼓勵良善使人人知義倫天則之為重忠孝廉節之宜敦古帝王勞來匡直所以納民於軌物者舍是無由也朝廷每遇覃恩詔欵內必有旌表守義貞節之條實係鉅典邇來直省大吏往往視為具文並未廣諮遠訪祇將有力之家囑託賂遺者漫憑郡縣監司之申詳即為題請建坊而山村僻壤窮氓耕織之人或菽水養親天性篤孝或捐舟矢志之死靡他鄉鄰嗟嘆為可欽而姓氏不傳於城邑幽光湮鬱潛德消沈者何可勝數爾部卿等傳諭督撫學政諸臣嗣後務期各屬搜羅虛公核建昌縣志陳卷之百上諭

六

諭確據本人鄉評實蹟題奏旌獎勿以匹夫匹婦而輕為沮抑勿以富家巨族而濫為表揚以副朕成俗化民實心彰善至意特諭

諭追封

孔子五代 雍正元年

上諭內閣禮部

至聖先師孔子道冠古今德參天地樹百王之模範立萬世之宗師其為功於天下者至矣而水源木本積厚流光有開必先克昌厥後則聖人之祖考宜膺崇厚之褒封所以追溯前徽不遺也身諸前制孔子之公叔梁公於宋宣宗時追封啓聖自宋以後歷代遵循而叔梁公以上則向來未加封

亦未奉祀祠庭朕仰體

聖訓崇儒重道之盛心修崇德報功之典禮意欲追封五代並
聖蒸嘗用伸景仰之誠庶慰羹牆之慕內閣禮部可會同確
議具奏

諭封

孔子五代王爵 雍正元年

上諭五倫為百行之本天地君親師人所宜重而天地君親之
義又賴師教以彰明自古師道無過於孔子誠首出之至聖
也我

皇考崇儒重道超軼千古凡尊崇孔子典禮無不備至

皇考教育自幼讀書心切景仰欲再加尊崇更無可增之處

定昌縣志 卷之首 上諭

勅部追封孔子以上五代今部議封公上考前代帝王

推崇之典唐明皇封孔子為文宣王宋真宗加封至聖

王聖父叔梁紇為齊國公元加封孔子為大成至聖文宣王

加封齊國公為啓聖王至明嘉靖時猶以王係臣爵改稱公

至聖先師孔子改啓聖王為啓聖公王公雖俱屬尊稱

以為王爵較尊孔子五代應稱封王之處着問諸大臣具奏

諭舉孝廉方正 雍正元年

上諭直省督撫國家教勵風俗首重賢良舉髦士以勸秀民

為政教之大端凡封疆文吏宜共體此意不可視為

文具文漫不加察也前所頒恩詔內有每府州縣衛各舉

方正賢明以六品頂戴榮身以備詔用一條距今數月

有疏聞豈通都大邑之中海澨山陬之遠遂無潛修砥礪之
稱俊乂可應詔旨者歟誠恐有司怠於採訪雖有端方之品
無由上達殊負朕殷殷延攬之至意特着直省各督撫速遵
前詔確訪所屬果有行誼篤實素爲鄉黨所推者卽列名舉
奏毋得隱蔽及濫引塞責特諭

諭開墾

雍正元年

上諭朕臨御以來宵旰憂勤凡有益於民生者無不廣爲籌度
因念國家承平日久生齒殷繁土地所出僅可贍給偶遇荒
歉民食維艱將來戶口日滋何以爲業惟開墾一事於百姓
最有裨益但向來開墾之弊自州縣以至督撫俱需索陋規
致墾荒之費浮於買價百姓畏難不前往往膏腴荒蕪復不
建昌縣志 卷之首 上諭

三

可惜嗣後各省凡有可墾之處聽民相度地宜自墾自墾地
方官不得勒索胥吏亦不得阻撓至墾科之例水田仍以十
年起科旱田以十年起科著著爲定例其府州縣官能勸導
百姓開墾地畝多者准令議敘督撫大吏能督率各屬開墾
地畝多者亦准議敘務使野無曠土家給人足以副朕寬民
阜俗之意該部卽遵諭行

諭給漕米脚耗

雍正元年

上諭戶部朕自臨御以來勤求民瘼事無鉅細必延訪體察務
期利民而於徵收錢糧尤爲留意惟恐閭閻滋擾此念時切
於懷如江西省產漕各州縣運糧到省又自省倉撥上軍船
故有脚耗扒夫修倉補墊等項編載全書歷來支給已久自

康熙二十三年部中誤駁不准支給行令追還嗣後一例駁
追究無完解至三十四年

聖祖仁皇帝特頒諭旨將從前已經支給者俱免追賠恩惠
也至康熙三十八年部議又以脚耗與扒夫等項分晰未清
仍令扣追不知脚耗乃貼運之總名扒夫等項乃支給之細
數其實一事非兩項也自康熙三十八年至今二十餘載應
追銀五十一萬餘兩米六十一萬餘石積累增多究無完解
追比日久官民均受其累朕知之甚悉特諭爾部將從前積
欠盡免追賠向後准其支給以副朕加惠黎元體恤有司之
意爾部卽遵諭行特諭

諭立忠孝節義祠 雍正元年

建昌縣志 卷之首 上諭

三

恩詔內開一旌表節義乃彰善大典每見直省地方有力之家
尙能上達而鄉村貧窶之人則多湮沒無聞深可憫惻者督
撫學臣及有司遍加採訪務使寒苦守節之家同霑恩澤至
節婦年逾四十而身故計其守節已歷十五載以上者亦應
酌量旌獎着該部議奏一旌表節義給銀建坊民間往往視
爲具文未曾建立恐日久仍至泯沒不能使民間有所觀感
着於地方公所設立祠宇將前後忠孝節義之人俱標姓氏
於其中已故者則設牌面於祠中祭祀用以闡幽光而垂永
久着該部議奏

諭鼓勵農民 雍正二年

上諭直省督撫准四民以士爲首農次之工商其下也

力出孝弟之利而市井子孫不得仕宦其意庶幾
近古今士子讀書祇行學成用世國家榮之以爵祿而農良
勤勞作苦手胼足胝以供租賦養父母育妻子其敦龐淳朴
之行豈唯工賈不逮亦非不肖士人之所能及雖榮寵非其
所慕而獎賞要當有加其令州縣有司擇老農之勤勞儉朴
身無過舉者歲舉一人給以八品頂帶榮身以示鼓勵特諭
增學額中額 雍正二年

上諭禮部等衙門及國學諸生治天下之要以崇師重道廣勵
學官爲先務朕親詣太學釋奠先師禮畢進諸生彝倫堂講
經論學凡以明道術崇化源非徒飾園橋之觀聽也維孔子
道高德厚萬世奉爲師表其附饗廟庭諸賢皆有羽翼聖經
建昌縣志 卷之首 上諭

扶持名教之功然歷朝進退不一而賢儒代不乏人或先
罷而今宜復有舊缺而今宜增其從祀崇聖祠者周程朱蔡
外或有可升而附並先賢先儒之後孰當增置五經博士以
昭崇報均闕大典九卿翰林國子監詹事科道會同詳考定
議以聞再題年文教廣被由我

聖祖仁皇帝壽考作人六十年來山陬海澨莫不家絃戶誦直
省應試童子人多額少有垂老不獲一衿者其令督撫會同
學臣查明實在人文最盛之州縣題請小學改爲甲學中學
改爲大學大學府學額取錄督撫等務宜秉公詳查不得
徇私冒濫之詞以解額

聖祖仁皇帝康熙庚戌子等科復於額外加中五經二

名至五十六年而罷以久而滋弊也嗣後各學臣及祭酒司業於錄科時先期面試實在貫通五經生監仍聽以五經應試主考閱文果佳本監取中四名直隸各省大小不一某省應取中幾名着分別詳議定數具奏如無佳文寧缺毋濫會試臨時請旨本監本科鄉試中式着加增十八名朕臨雍講學雖率由舊章然必期於世道文教有益不蹈一切虛文諸臣具各欽遵特諭

論樹藝 雍正二年

上諭直省督撫等官朕惟撫養元元之道足用爲先朕自臨御以來無刻不履念民依重農務本業已三令五申矣但我國家休養生息數十年來戶口日繁而土田止有此數非率天下農民竭力畊耘兼收倍獲欲家室盈寧必不可得周官所載巡稼之官不一而足又有保介田畯日在田間皆爲課農設也今課農雖無專官然自督撫以下孰不兼此任也其各督率有司悉心相勸並不時咨訪疾苦有絲毫妨於農業者必爲除去仍於每鄉中擇一二老農之勤勞作苦者優其獎賞以示鼓勵如此則農民知勸而惰者可化爲勤矣再舍傍田畔以及荒山不可耕種之處度量土宜種植樹木桑柘可以飼蠶棗栗可以佐食楡桐可以資用卽榛楛雜木亦足以供炊爨其令有司督率指畫課令種植仍嚴禁非時之斧斤牛羊之踐踏奸徒之盜竊亦爲民利不小至孳養牲畜如此方之羊南方之彘牧養如法乳字以時於生計不無裨益

之小民至愚經營衣食非不迫切而於目前自然之利反多
忽畧所賴親民之官委曲周詳多方勸導庶使踴躍爭先人
力無遺而地利始盡不惟民生可厚風俗亦可還淳爾督撫
等官各體朕憺憺愛民之意實心奉行倘視爲具文苟且塗
飾或反以擾民則尤其不可也特諭

諭設普濟堂

雍正二年

上諭順天府府尹等京師廣寧門外向有普濟堂凡老疾無依
之人每棲息於此司其事者樂善不倦殊爲可嘉

聖祖仁皇帝曾賜額立碑以旌好義爾等均有地方之責宜時
加獎勸以鼓舞之但年力尙壯及遊手好閑之人不得借名
混入其中以長浮惰而生事端又聞廣渠門內有育嬰堂一
建昌縣志卷之首 上諭

三

區凡孩穉之不能育養者收留於此數十年來成立者頗眾
夫養少存孤載於月令與扶衰恤老同一善舉爲世俗之所
難朕心嘉悅特賜匾額並賜白金爾等其宣示朕懷並倡率
資助之益、或屬再行文各省督撫轉飭有司勸募好善之
人於道旁大邑人煙稠集之處若可以照京師例權巧行之
其於字弱恤孤之道似有神益而凡人怵惕惻隱之心亦可
感發而興起也特諭

御製

聖諭廣訓序

雍正二年

曰每歲孟春道人以木鐸徇於路記曰司徒修六禮以節
五刑七教以興民德此皆以敦本崇實之道爲厲民覺世

之模法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓草薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民情之所習皆

睿慮之所周視爾編氓誠如赤子

聖有謨訓明徵定保萬世守之莫能易也朕纘承大統臨御此人以

聖祖之心爲心以

建昌縣志卷之首上諭

三五

聖祖之政爲政夙夜匪懈率由舊章惟恐小民遵信奉行久而或怠用申誥誠以示提撕謹將

上諭十六條尋釋其義推衍其文共得萬言名曰

聖諭廣訓旁徵遠引往復周詳意取顯明語多直樸無非奉先志以啓後人使羣黎百姓家喻而戶曉也願爾兵民等仰體聖祖正德厚生之至意勿視爲條教號令之虛文共勉爲敦厚節用之庶人盡除夫浮薄蠹凌之陋習則風俗醱厚家室和平在朝廷德化樂觀其成爾後嗣子孫並受其福積善之家必有餘慶其理豈或爽哉

諭日月合璧 雍正三年

上諭據欽天監奏稱雍正三年二月初二日庚午日月合璧

同明五星連珠而共貫宿遷營室之次位當娥嘗之宮爲從來未有之瑞應請勅付史館等語朕惟日月五星運行於天本有常度是以從古扈元可坐奠而得然古稱高陽時五星會於營室漢帝時五星聚於東井宋祖時五星聚於奎壁史書皆紀以爲祥蓋七政會合數雖一定而遭逢其時者實海宇昇平民安物阜之會也若以爲德化所致朕方臨御二載有何功德遽能致此嘉祥皆由我

皇考六十餘年聖德神功燿天際地爲千古不世出之君爲上天第一篤愛之子所以純祐駢集歷數綿長錫祚垂光至於今日觀此難逢之嘉瑞朕嗣統以來兢兢業業率由舊章惟以

建昌縣志

卷之首

上

天

皇考之心爲心以

皇考之政爲政宅衷圖事罔敢稍越尺寸故遵

上天垂鑒仍如

皇考之御宇級猷而錫以無疆之福也朕幸逢嘉會不但不敢自居亦且不敢自謙總由

上天申眷

皇考朕與天下臣民同在福祐之中當與天下臣民共慶之所奏着付史館并頒示中外該部知道

諭諱

孔聖名 雍正二年

上諭古有諱名之禮所以昭誠敬致尊崇也朕臨御以來恐臣

民過於拘謹屢降諭旨凡與御諱聲音相同字樣不必迴避近見各省地名以音同而改易者頗多朕爲天下主而四海臣民竭誠盡敬如此況

孔子德高千古道冠百王以正彝倫以端風化爲往聖繼絕學爲萬世開太平自天子以至於庶人皆受師資之益而直省郡邑之名如商止章止等今古相沿未改朕心深爲不安爾等會議凡直省地名有同聖諱者或改讀某音或易易他字至於常用之際於此字作何迴避一併詳議具奏

御製平定青海碑

雍正三年

我國家受

天眷命撫臨八極日月所照罔不臣順遐邇乂安兆人蒙福乃

建昌縣志

卷之首

上諭

七

有羅卜藏丹津者其先世固始汗自國初稽首歸命當時使臣建議畀以駐牧之地其居雜番羌密近甘涼我

皇考聖祖仁皇帝睿慮深遠每厯於懷旣

親御六師平定朔漠威靈所加青海部落札什巴圖兒等震懼承命

聖祖仁皇帝因沛殊恩封爲親王兄弟八人咸賜爵祿羅摩包

容示以寬大而狼心梟性不可以德義化三十年來包藏異

志朕紹登寶位優之錫賚榮其封號尙冀革心輯寧音眾而

羅卜藏丹津昏謬狂悖同竊吹拉克諾木齊阿爾布坦溫布

藏巴札布等實爲元惡謂國家方弘浩蕩之恩不設嚴密之

備誕敢首造逆謀迫脅番羌侵地邊城反狀彰露用不可容

於天誅遂命川陝總督太保公年羹堯爲撫遠大將軍
致討以雍正元年十月師始出塞自冬涉春屢破其衆凡
叛之部落戈鋌所指應時摧敗招降數十萬衆又降其
貝子公台吉等二十餘人朕猶憫其蠢愚若悔禍思徯東
來歸尚可全宥而怙惡不悛負險抗違乃決蕩滅之計
以方畧密付大將軍年羹堯調度軍謀簡稽將士用四川
提督岳鍾琪爲奮威將軍於仲春初旬禡牙徂征分道深
入搗其窟穴電掃風驅搜剔巖阻賊徒奔黃糜潰窮蹙失
據羅卜津之母及逆謀渠魁悉就俘執擒獲賊衆累萬
牲畜軍器不可數計賊首逃遁我師踰險窮追獲其輜
重人口殆盡羅卜津丹津子身易服微匿荒山殘喘待斃
自二月八日至二十

建昌縣志

卷之首

天

廟

社受俘之日臣民稱慶伏念

聖祖仁皇帝威靈震於遐方福慶流於奕葉用克張皇六師殄
滅狂賊行間將士亦由感激

湛恩厚澤爲朕賜躍用命斯役也爰夷凶悖綏靖番羌俾燧燧
永息中外人民胥享安阜實成

志以懋有不韙廷臣上言稽古典禮出征而受成於學所以
定兵謀也獻賦而樂於學所以告厥勳也宜刊諸石

於太學用昭示於無極遂爲之銘曰

天有雷霆聖作弧矢輔仁而行威遠寧邇維此青海種類實繁劍之茅土列在藩垣被我寵光位崇祿富負其阻遐禍心潛構恭惟

聖祖慮遠智周瞻念荒服綏撫懷柔朔野旣清西陲攸震爵號齊加示之恩信如何兇狡造謀逆天鼓動昏慙寇侵於邊惟彼有罪自干天罰桓桓虎豹爰張九伐王師卽路冬雪初零日耀組練雷聲聳鉦蠢茲不順敢逆戎旅奮張螳臂以當齊斧止如山嶽疾如雨風我戰則克賊壘其空彼昏終迷曾不悔矣當窮而滅斯焉決計厲兵簡將往擣其巢踰巖欽嘔想若爛郊賊棄其家我繫而獲牛馬穀量器仗山積蹇兔矢窟建昌縣志卷之首上論

无

聖祖親平大漠魏功煥文邁桓軼勺流光悠久視此銘籙繼志述事念茲在茲

諭積貯 雍正三年

上諭古者視歲之上中爲儲蓄之節蓋官民經畫久遠不爲一時苟且之計積之於豐年用之於歉歲所謂有備無患法良而意美也朕自臨御以來宵旰勤勞無刻不以民依爲念乃重農積粟之詔屢下而民間年少壯者官倉亦多虧缺

西...保...等府去歲頗稱有秋今春二麥亦熟乃以夏秋雨
水過多田禾被澇而民間遂有饑色幾至流離若非多方賑
恤民必致失所此皆草野無知食不以時用不以禮但快
目前之有餘罔計異日之不足一遭旱澇追悔無從至於常
平等倉原爲備荒而設乃有司奉行不力多致缺額罪何可
追茲據江南浙江江西湖廣福建河南山西陝西廣東廣西
雲南貴州等省督撫報稱今歲秋成八九十分不等朕覽奏
不勝慰悅又重爲吾民計及長久宜及此時講求儲蓄之道
以備將來該督撫等可轉飭有司徧行曉諭務須樽節愛惜
各留餘預爲他時緩急之需社倉之法亦宜趁此豐年努
力爲之勿但視爲虛文故事朕爲吾民籌畫養贍之道憮憮
建昌縣志卷之首上論

三

於懷無時或釋而吾民自謀其身家若但苟且因循不復長
顧遠慮則重負朕軫念元元之意矣至於州縣倉儲向有虧
缺者若不趁此豐收之時速行買補將來發覺斷不姑貸慎
之慎之特諭

諭耕藉感召

雍正四年

上諭國以民爲本民以食爲天朕卽位以來念切民依舉行耕
藉之禮殫竭精誠爲民祈穀於

上帝乃雍正一年二年耕藉日豐產嘉未有至一莖九穗者朕心
亦爲偶然之事今據府尹劉於義進呈今歲耕藉口所產自一
莖雙穗三穗以至八穗九穗皆出於人堅好異於常穀朕見之
心甚慰悅特令

蓋實有見於天人感召之理捷於影響無纖毫之或爽朕以至誠肫懇之心每歲躬耕藉田以重農事卽蒙

上帝降鑒疊遣嘉穀以昭休應似此八穗九穗之穀豈人力之所能強爲亦豈人君所能強之使有乎天人感應之理朕見之最真最切但恐此心不誠耳誠則未有不動者卽如從前青海蠢動朕爲邊陲憂慮虔禱於宮中不數旬而捷音卽至疆圉寧謐又如前歲夏間近畿雨澤稍愆朕在宮中默禱減膳修省虔誠叩懇不數日而甘霖大沛禾稼有秋此皆近年以來朕親行親驗之事至於去年夏秋之間時常陰雨而朕在宮中但覺雨水稍多不知其大爲民患而亦未嘗不將嚴被潦實情具奏是以朕竟不聞知未曾及禱而竭誠心以挽

建昌縣志卷之首 上諭

三

天意而舒民困及蔡珽署直隸總督事務詳細奏聞朕宵旰憂勤幾廢寢食於是截漕發倉多方賑濟京城設廠各邑興工俾窮民皆得餬口是以地方雖被水災而小民不致流離失所朕撫綏憫恤之念實爲迫切今歲二麥豐收禾黍暢茂此皆

上天俯鑒朕衷故加惠黎元而錫以盈寧之慶也蓋天生民而立之君鑒觀在上人君一念敬謹政事無闕天必嘉之佑之一念放逸政事有乖天必儆之戒之此一定之理也況人君撫馭臣庶位處極尊所以賞罰之者獨有

上天耳是以朕每於水旱等事皆實心內省必係朕有過失

天徵以示譴也至於各省旱澇之事朕皆視同一體原無
此之別惟是地方相隔路遠彼地偶有水旱有司未必即行
具報及至奏達朕前而急之時已過是以朕無從盡其誠
心爲之所禱此其責則全在本省督撫矣督撫受朕委任之
重爲朕養育萬民必視百姓之疾苦如痛癢之在己身一遇
水旱饑饉必思所以致此之由或因本省之政事吏治有闕
卽思速爲改易之或因本地之人心風俗不端卽思速爲化
導之兢兢業業修省祈禱竭盡誠心一如朕之朝乾夕惕固
無不可以挽回

天意者假若聞朕之政治稍有闕失亦卽直言陳奏不必隱諱
如此則官與民聯爲一體臣與君又聯爲一體太和翔洽實
建昌縣志卷之首上論
意交孚天聽雖高誠呼吸可通矣朕每歲躬耕藉田並非崇
尙虛文以爲觀美實是敬

天勤民之至意禮曰天子爲藉千畝諸侯百畝據此則耕藉之
禮亦可通於臣下矣朕意欲令地方守土之官俱行耕藉之
禮使知稼穡之艱難悉農民之作苦量天時之晴雨察地方
之肥磽如此則凡爲官者皆時存重農興稼之心則凡爲農
者亦斷無苟安惰忽之習似與養民務本之道大有裨益着
九卿詳議具奏特諭

諭正士習 雍正四年

上諭爲士者乃四民之首一方之望凡屬編氓皆尊之奉之以
爲聖賢之書列膠庠之選其所言所行俱可以爲鄉人法

詩書之道開示愚民則民必聽從其言服習其教相率而歸
於謹厚或小民偶有不善之事卽懷愧恥之心相戒勿令某
人知之如古人之往事則民風何患不淳世道何患不復古
耶朕觀今日之士雖不乏閉戶勤修讀書立品之輩而蕩檢
踰閑不顧名節者亦復不少或出人官署包攬詞訟或武斷
鄉曲欺壓平民或違抗錢糧藐視國法或代民納課私潤身
家種種卑污下賤之事難以悉數彼爲民者見士子誦讀聖
賢之書而行止尙且如此則必薄待讀書之人而並且輕視
聖賢之書矣士習不端民風何由而正其間關係極爲重大
朕自卽位以來加恩學校培養人材所以教育士子者無所
建昌縣志

卷之首

上諭

三

不至宜乎天下之士皆鼓舞奮興爭自濯磨盡去其流達之
習矣而內外諸臣條奏中臚列諸生之劣蹟請行嚴懲者甚
多朕思轉移化導之法當先端其本源教官者多士之儀型
也學臣者教官之表率也教官多屬中材又或年齒衰邁資
位竊祿與士子爲朋儔視考課爲故套而學臣又但以衡文
爲事任教官之因循怠惰苟且塞責漫不加察所以倡率之
本不立無怪乎士習之不端而風俗之未淳也朕孜孜圖治
欲四海之大萬民之眾皆向風而慕義草薄而從忠故特簡
督學之臣慎重教官之職欲使自上而下端本澄源以收實
效也凡爲學臣者務須持正秉公宜爲風化於教官之稱職
者卽加薦拔溺職者卽行參革

心如父兄之督課子弟至於分別優劣則至公至當不涉徇私如此各盡其道則士子人人崇尚品詣砥勵廉隅且不但自淑其身而羣黎百姓日聞善言日覩善行以生其感發之念風俗之不變庶幾其可望也特諭

諭老人 雍正四年

上諭朕覽戶部奏銷本章見恩詔內賞給老人一項直隸各省七十以上至百歲以上老民老婦共一百四十二萬一千六百二十五名賞給絹布等件價銀共八十九萬餘兩米一十六萬五千餘石等語凡此老人但就民人而言如仕宦紳士商賈僧道皆不入此數之內洪範以壽居五福之首而昔人稱七十爲古稀誠以壽爲難得而可貴也乃今日老人之多建昌縣志卷之首上諭

三

至於如此皆由我

皇考聖祖仁皇帝六十餘年以來深仁厚澤休養生息凡山陬海澨僻壤窮鄉無不沐浴

鴻慈涵濡太和翔洽壽國壽民所以期頤耄耋龐眉皓首之人至數百餘萬之多所謂老者以壽終幼孤得遂長者皆我

皇考之賜也從此益加培養日積月累則民間之享高年介眉壽者更不知如何之眾矣此等老人躬際昌明年登上壽大抵皆居心忠厚力行善事之人卽有一二年少時未盡前謹者亦必中年暮齒能自悔悟之人蓋一念修省卽荷

上天福佑也是國家有培養之恩而田本人能修善以繼承之

非佞而致之者也爾等百姓觀百年之盛事當歡忻鼓舞謹
身修德以迓天庥父與父言慈子與子言孝兄弟友恭夫婦
和順比閭族黨之間相親相愛無詐無欺草薄從忠循分守
法盡除乖戾之氣爲國家淳朴善良之民則天地佑善錫福
長亨遐年此必然之理也但生齒日盛食指繁多則謀生之
計不可不講爾等百姓當重農桑以順天時勤開墾以盡地
利務本業以戒遊惰謹蓋藏以裕久遠而且節省食料愛惜
物力毋縱奢侈毋競紛華毋任意靡費以耗有用之財毋但
顧目前而忘經久之計朕以勤儉先天下宮禁之中於食餘
之物皆不忍棄必令人檢取收貯之數年以來所貯米粟已
至數十石之多朕臨御萬方尙多方樽節愛養以爲加惠元
建昌縣志卷之首 上諭 三五

諭辯利弊

雍正四年

上諭帝王體國經邦政治所施惟準乎道理之至當寬嚴賞罰
各得其宜若一涉利弊二字便入於私是以孟子云仁義而
已矣何必曰利蓋仁所以休養安全義所以裁成化導也朕
自承大統四年於茲凡政教號令皆遵法

在位六十一年

聖謨弘遠

諭旨周詳紀綱法度靡不備舉特當時臣下或有陽奉陰違不能實力遵行者或有事經歷久漸至廢弛者朕在藩邸時知之甚悉卽位以來仰體

皇考仁育義正之心屢降明旨諄諄誥誡無非欲內外大小臣僚咸恪遵

皇考之良法美政實心奉行以共成久安長治之盛是朕所行之政皆

皇考已行之章程所申之令皆

皇考已申之寶訓實未嘗有所減損增益也特以歷年既久新

建昌縣志卷之首上諭

三

進疎遠之臣未能悉知見朕所施之政令遂以爲從前所未有而淺陋寡識之人往往於陳奏內有眾利皆興諸弊盡除等語朕經理天下凡用人行政悉本大中至正之心事至而應惟理所當然從無計及利弊之私意如謂興利除弊則凡平治道路疏濬河渠修葺城垣開墾田畝此國家經理之常典而可謂之興利乎年歲豐歉不齊設有水旱爲之賑饑平糶蠲賦緩徵此朝廷軫恤之恒政而可謂之興利乎老人應賜以衣食則賜之孤獨應恤以錢糧則恤之勤以孝弟本小民自有之天良助以耕桑田疇各盡之職業而可謂之興利乎至於盜賊姦宄法所當誅貪官污吏法所應黜豪紳劣衿法所應劓而謂誅盜奸黜貪汚劓豪劣爲除弊可乎情罪

道者予以刑辟情罪輕者予以矜釋此又可爲除弊乎彼工
民風而端士習不得不戒之用休董之用威也將以此爲興
利乎抑除弊乎念習俗之流於奢靡也朕躬爲節儉以身示
天下慮農人之惰於南畝也朕親爲耕藉以身先天下將以
此爲興利乎抑除弊乎夫存興利之心卽有不利之害有除
弊之意卽有啓弊之端由此類推治道安得有利弊之名朕
又何嘗有興利除弊之舉也

皇考六十餘年有豐功偉烈布在方冊皆因事治事以人治人
不居興利除弊之名而以此頌揚朕之政事朕實不敢當
朕亦不願當也外省督撫諸臣未能深悉朕意爲此曉諭知
之

卷之首上諭

河清加恩 雍正五年

上諭覽諸王大臣等奏稱河水澄清二千里期逾兩旬爲從來
未有之瑞懇請陞殿慶賀朕嘗言天下至大庶務至繁斷非
一人主一身所能經理必賴內外臣工協力贊襄然後可以成
一道同風之盛若上有涼德之主而下皆臯夔稷契之臣則
工虞水火佐理有人政務亦不患其不舉若上有堯舜之主
而下皆共工驩兜之輩則耳目股肱無所資藉政務亦必至
於廢弛故人君之道以得人爲要而人臣之道以奉職爲先
此一定之理也朕統臨萬方雖刻刻有勵精圖治之念然必
賴內外臣工共矢公忠各殫才力然後有實政實效及於吏
治民生方可以感

天和而錫繁祉不然則朕雖有勤政之念豈能事事躬親
之也今見數年之中荷蒙

上天

皇考默佑屢錫嘉祥茲又有河清之上瑞朕細推天人感應之
理曰非無因應是內外臣工能體朕宵衣旰食之懷洗陽奉
陰運之習分猷効職有數端之善上合

上天

皇考之心是以錫茲福慶以勵將來爾等試再思之人事甫修
僅有數端之善卽邀

上天

皇考之嘉貺若此倘能益竭忠誠事事皆善則其獲福又當何
建昌縣志卷之首上論

三

如或由此而侈然自足怠情前修則其獲譴又當何如可不
慎乎可不懼乎況天道惡盈朕心方且因此益加戒儆所請
慶賀典禮朕必不行朕念君臣之間實屬一體

上天

皇考既垂訓於朕朕卽以此訓及諸臣

上天

皇考既賜福於朕朕卽以此福及諸臣凡屬京官自大學士尚
書以下主事以上內大臣都統前鋒統領護軍統領步軍統
領以下參領以上凡屬外官自督撫以下知縣以上武官自
將軍提鎮以下參將以上俱着加一級其王公等管理都院
都統事務者應如何加恩之處着宗人府議奏自茲以往

外臣工當益加黽勉精白乃心和衷共濟矢勤矢慎秉公去私懷天鑒之匪遙念感應之不爽以至誠至敬仰承

上天

皇考之眷佑則受福孔多永永弗替矣勉之勉之

諭州縣舉薦

雍正五年

上諭從來爲政在乎得人書曰野無遺賢萬邦咸寧蓋賢才登進在位者多則分猷効職庶績自能就理而民生無不被其澤也朕卽位以來加意旁求凡所以延訪擢用之道盡朕心力如現任官員及候請候選科目諸人每特令薦舉遴選引見廣開錄用之途冀收登用之力又念各省學校之設原以養育人材爰命學臣保舉賢能升職於朝以備任使乃直省

建昌縣志

卷之七

三

學臣所舉人數不多又多率率虛實不能副得人之實夫十室之邑必有忠信今直省學校之設原以養育人材爰命學臣保舉賢能升職於朝以備任使乃直省少亦不下千百其中豈無好修自愛明達之士乎若知州知縣自各官將府州縣之貢生生員內居家孝友行止端方才可辦事而文亦可觀者秉公確查一學各舉一人於今年歲末冬初申報該上司奏聞請旨其或僻遠中學小學實無可舉者令知縣教官出具印結該督撫查實奏聞候因廣攬人材舉此曠典所以黜浮華而資實用州縣教職等官爲一方師長選賢薦能乃其專責倘敢有輕忽之心慮應故濫舉非人者定照溺職例革職若或徇情受賄則又加倍治罪入旗之滿州蒙古漢軍亦照此例將人

方通曉漢文者着該佐領各舉一人如不得其人之後
其印結令該都統彙齊奏聞請旨庶使潛修篤行之士
得以表見而國家亦收得人之效矣特諭

論訓節儉 雍正五年

上諭前織造等衙門貢獻物件其所進御用繡線黃龍袍曾至
九件之多又見燈幃之上有加以繡線爲飾者朕心深爲不
悅比卽切加誠諭近因端陽佳節外間所進香囊官扇等件
中有綉飾華麗雕刻精工亦甚至於繡扇者此皆糜費於無
益之地開風俗奢侈之端朕所深惡而不取也外省諸臣凡
有進獻方物土儀朕留於宮中服用者所需實不多每隨便
頒賜諸王內外大臣等所以推廣恩澤也如黃龍繡緞之類

建昌縣志 卷之首 上諭

四

既不可以頒賜諸王大臣不過收貯於宮中耳其於華燦之
物在朕用之心中尙覺不安若賜諸王大臣在伊等亦覺非
分豈非糜費於無益之地乎況朕素性實不喜華麗一切器
具惟以雅潔適用爲貴此朕摶節愛惜之心本出於自然並
非勉強數十年如一日者凡臣進獻惟應量加工價少異於
市肆之物卽可見諸臣恭敬之忱何必過於工巧而後見其
誠悃乎工匠造物之情喜新好異無所底止見一靡麗之式
樣初則競相摹倣後必出奇鬪勝以相誇此雕文纂組之風
古人所以斤爲奇表豈可尊使爲之而不防其漸乎蓋治天
下之良莫要於厚風俗而厚風俗之道必當崇儉而去奢若
諸臣進獻之物以奢爲尙又何以訓民間之儉約乎朕觀四

民之業士之外農爲最貴凡士工商賈皆賴食於農以故農
爲天下之本務而工商皆其末也今若於器用服玩之物爭
尙華巧必將多用工匠以爲之市肆之中多一工作之人卽
田畝之中少一耕稼之人此逐末之所以見輕於古人也且
愚民見工匠之利多於力田必羣趨而爲工羣趨爲工則物
之製造者必多物多則售買不易必至壅滯而價賤是逐末
之人多不但有害於農而並有害於工也小民舍輕利而趨
重利故逐末易而務本難苟爲官者遽然繩之以法必非其
情之所願而勢有所難行惟平日留心時刻勸導使小民知
本業之爲貴又復訓飭閭閻崇尚朴實工作之間不事華巧
如此日積月累遂成風俗雖不必使爲工者盡歸於農然可
建昌縣志卷之五上論

四

免爲農者相率而趨於工矣至如士人所業在乎讀書明理
以爲世用故爲四民之首然父兄之教子弟亦當觀其才質
如何若果聰明悟慧慎洵可望其有成則當使之就學而爲士
若愚濁中下之資固宜延遲卽當早令改業歸農使之盡力
於南畝以爲仰事俯育之資誠恐讀書不成而又粗識數字
曠廢閒遊必到非分妄爲越禮犯法是浮慕讀書之名而不
得其道其傷農而害本者爲尤甚亦不可不知戒也朕深揆
人情物理之源知奢儉一端關係民生風俗者至大故欲中
外臣民黜奢禁末專力於本人人自厚其生自正其德則天
下共享太平之樂矣昔人云由儉入奢易由奢入儉難不知
奢者取用小而力多儉者取用大而力少則由奢入儉

乃人人行之甚便者不可爲難也中外大臣文武官弁與紳富戶當欽遵朕諭期共勉之勿視爲具文特諭

諭辨禮義廉恥 雍正五年

上諭近因考試新科進士以宋儒所云士人當有禮義廉恥句爲論題諸進士試卷進呈朕躬自披覽見其文藝之工拙優劣固有不同然大概皆詞章記誦之常談見解卑淺識量狹隘未能真知題中之理蘊而實有發明蓋所言止於儀文末節而已非禮義廉恥之大者也朕則謂古人言禮義廉恥國之四維者蓋以天下之大四海之眾皆範圍其中而不可須臾離而士人貴有禮義廉恥之說所指甚遠所包甚宏上之爲人君下之爲人臣皆當求其大者以爲務而不可屬於儀

建昌縣志 卷之首 上諭

四三

文末節之間也以禮言之如化民成俗立教明倫使天下之人爲臣者皆知忠爲子者皆知孝此禮之大者也進退周旋俯仰揖讓此禮之小者也以義言之如開誠布公蕩平正直使天下之人無黨無偏和衷共濟此義之大者也然諾不欺出入必謹此義之小者也以廉言之理財制用崇儉務本使天下之人家給人足路不拾遺盜賊不生爭訟不作貪官污吏無以自容此廉之大者也簞食豆羹一介不取此廉之小者也至於以恥言之爲人君者憲天出治誠和萬民則當以一夫不獲其所爲恥爲人臣者行義達道兼善天下則當以其君之不爲堯舜爲恥若夫迂拘曲謹如鄉黨自好之類不

失言於人不失色於人此乃知恥之小者耳曾何足以盡言

耶之道乎欲爲君盡君道欲爲臣盡臣道而其道曾不外乎
義廉恥之四端士人者必當以天下爲己任其身卽爲臣之
身而有致君之責者豈可徒知禮義廉恥之小節而不知禮
義廉恥之大者乎夫禮義廉恥由一端之小者擴而充之皆
可以保四海然必知其大者而務之自可不遺於其小若或
徒窺小節而不知其大則迂拘曲謹止圖檢束一身而不敢
任天下之重此則細民之行而非士人之道也孔子曰人能
弘道非道弘人其可不勉自奮立乎朕引見新進士之時卽
欲面加訓諭因天氣炎熱恐伊等暫時跪聽不能悉心領會
今特詳爲宣示朕願與大小諸臣交相儆勉詳思禮義廉恥
之大者身體力行則人心風俗蒸蒸日上而唐虞三代之治
建昌縣志卷之首上諭

聖

庶幾其可復見矣特諭

諭頒瑞穀圖

雍正五年

上諭朕念切民依今歲令各省通行耕藉之禮爲百姓所求年
穀幸邀

上天垂鑒雨暘時若中外遠近俱獲豐登且各處皆產嘉禾以
昭瑞應而其尤爲罕見者則京師藉田之穀自雙穗至於十
三穗御苑之稻自雙穗至於四穗河南之穀則多至十有五
穗山西之穀則長至一尺六七寸有餘又畿輔二十七州縣
新開稻田共計四千餘頃約收禾稻二百餘萬石暢茂穎粟
具有雙穗三穗之奇廷臣僉云嘉禾爲自昔所未有而水田
爲北地所創見屢詔陳請宣付史館朕惟古者圖畫幽風於

朕所以誌重農務本之心今蒙

上天特賜嘉穀養育萬姓實堅實好確有明徵朕祇承之下感
慶着繪圖頒示各省督撫等朕非誇張以爲祥瑞也朕
以誠恪之心仰蒙

聖鑒諸臣以敬謹之意感召

大和所願自茲以往觀覽此圖益加儆惕以修德爲事神之本
以勤民爲立政之基將見歲慶豐穰人歌樂利則斯圖之設
未必無裨益云特諭

諭禁燬錢文

雍正五年

上諭民生日用所需制錢最爲切要朕專爲便民起見屢頒諭

旨嚴禁銷燬制錢並令京城及各省督撫劄之省城不許

銷燬

四

鑄造黃銅器皿三品以下官民不得私用銅器此朕欲期錢
文豐裕爲小民易於資生非朕有所需用也已曾諄切詳諭
不啻再三自曉然於天下矣京城現今奉行錢價已覺稍平
乃近聞各處督撫劄之省城銅器店內仍用黃銅鑄者甚
多此明係各督撫奉朕諭旨之後不曾實力奉行只以告示
曉諭虛文掩飾而已朕時時切諭內外諸臣若朕所頒諭旨
有不便於民之處卽當據實敷陳請弛其禁斷不可陽奉陰
違有失爲政之體各省督撫等寧不聞之乎且銷燬制錢以
鑄造銅器之弊朕向因錢局日增而錢文日見短少知
其情事有灼然者嗣於
欽差官員至甘肅地方

符契則銅器之必當嚴禁明矣省會乃督撫廉節之區耳目最近政令易行非若遠鄉僻壤之難於稽查也若果實心奉其易事朕爲制錢籌畫宵旰焦勞各省地方官辦運銅劬亦甚費經營跋涉之苦然後官局得以鼓鑄錢文以資百姓之用夫以鑄制錢如此之難而奸徒貪則射利竟將已成之錢復以銷毀蠹國害民孰大於此故禁用銅器者所以杜熒錢之源也乃督撫畏一二犯法貪利工商之怨望背朕旨而輕民計是何心也今特再加訓誡各省督撫務宜實力奉行朕各省令人查訪倘仍前疎忽定將督撫嚴加處分至於黃銅器皿亦非人生必不可缺之物鐵錫瓦木可以代銅器者甚多朕前諭旨甚明況交官仍得價值又何樂而不爲但

建昌縣志

卷之首

四十五

從前會約議三品以上許用黃銅今猶覺濫用者多嗣後惟一品官員之家器皿許用黃銅餘者遇行禁止如有藏匿私用不肯交官者概以違禁論中外臣民其知朕意毋忽特諭

諭耕藉

雍正五年

上諭自雍正二年以來朕躬耕藉田而藉田之中每歲必產嘉穀上年自雙穗至於九穗今歲則自雙穗至於十三穗在廷諸臣及京都耆庶皆驚訝以爲奇朕之宣示於眾者並非誇誇誇張以爲祥瑞蓋實有見於天人感召之理捷於影響而

朕

天之心至誠至切願與內外大小臣工共勉之也稼穡爲天地之寶實生民之命攸闕我

聖祖仁皇帝臨御六十餘年無刻不以重農力穡爲先務仰觀
天時俯察地理辨土性而課人功資雨暘而防旱潦旣食嘗
衣偶遇雨澤愆期

聖心憂勞之切侍側臣子皆惶悚不寧所以爲萬民謀粒食者
至矣盡矣朕瞻仰日觀者四十餘年今繼承大統竭誠效法
念切民依每年度祀

先農躬耕帝藉仰蒙

上天眷祐豐錫嘉禾信而可徵纖毫不爽是以特頒諭旨令各
省守土官共舉耕藉之禮爲萬方百姓祈禱秋成今見各省
督撫奏報前來處處風雨均調春麥秋禾並登豐稔雖邊遠
荒僻之地亦慶有秋惟直隸湖廣安徽數州縣近水最低之
處常年被潦者畧有漫注亦不爲災是今歲可稱大有年矣
朕感

建昌縣志卷之百上諭

聖

上天之垂慈慶下民之受福而推求其故良由今年各省初耕
藉田各該有司自然小心敬慎齋戒虔誠是以感格

上蒼而獲此盈寧之錫倘從此益加敬謹不懈初心則歲歲屢
豐可以預必爾督撫等可通行曉諭所屬官民當凜

帝鑒之匪遙勿視耕田爲故事永矢敬恪以迓

天和天下臣民受福斯朕之福也思之慎之毋忽朕言

諭居民毋輕去其鄉

雍正六年

上諭上年聞湖廣廣東江西等省之民因本地歉收米貴相率
而遷移四川者不下數萬人已令四川督撫設法安插毋使

夫所但思上年江西收成頗好卽湖廣廣東亦非歉歲不過
近水之地畧被淹損何至居民輕去其鄉者如此之眾也因
時時留心體察今據各處陸續奏聞大約因川省曠土本寬
米多價賤而無知之民平日既懷趨利之見又有傳說者謂
川之米三錢可買一石肉價則一錢可買七觔此等之言最
易動愚賤之聽又有一種包攬棍徒極言川省易於度日一
去入籍便可富饒每戶得銀包送愚民被其煽惑不獨貧者
墮其術中卽有業者亦鬻產以圖富足其情弊大抵如此獨
不思川省食物平賤之故蓋因地曠人稀食用者少是以如
此若遠近之人雲集一省則食之者眾求如從前之賤價豈
可得乎況彼此相隔或至千里或數千里小民離棄鄉井扶

老孥幼跛涉山川安有餘資以供路費中途困阨求捨無門
不相率爲匪勢將爲溝中之瘠矣此時追悔亦復何及豈非
輕舉妄動者自貽之累乎草野謏見庸愚必須訓示爲地方
有司者當撫綏之於平日而勸教之於臨時開其愚蒙俾其
窮困念念如保赤子時勤訓導使百姓知故土之可戀轉徙
之非宜則愚民之不醒悟者亦少矣且各省皆有可懇之田
土卽如廣東高雷廉三府儘有荒地可以耕鑿而所以任其
廢棄者聞其故有二一則民俗好爲爭競也嘗其未懇之時
則置之不問及至既懇之後則羣起相爭是以將可種之壤
拋爲曠土甚爲可惜一則懇田必需工本而懇者之資不能
措辦以致委諸草莽有司者當如何籌其疆界以息爭

助其耕種以資工作寬其墾科之年優其上農之賞則百姓
斷無有不踴躍鼓舞趨事赴工者矣凡地方荒棄田土皆地
方官不實心愛養體恤百姓之所致也朕宵旰勤勞無刻不
以小民生計爲念數年以來所以爲閭閻籌畫者盡朕苦心
茲頒諭旨並非禁百姓之謀食於他方也祇以愚民無知圖
利心切惑於邪說見異而遷遂輕舍故鄉甘受流離之苦朕
心實爲不忍不思在彼在此皆吾赤子若本籍果逢歉歲難
以資生該地方有司自能仰體朕心卽時奏聞朕必沛以恩
膏使之得所何必分散他方以希冀必不可得之利乎着各
督撫將此通行曉諭所屬官民等咸使聞知特諭

諭人子毋毀傷肢體 雍正六年

建昌縣志 卷之首 上諭

哭

上諭覽福建巡撫常賚奏稱羅源縣孝子李盛山割肝救其母
病母病愈後李盛山傷重身故請加旌表部議以割肝乃小
民輕生愚孝向無旌表之例應不准行朕念割肝療疾事雖
不經而其迫切救母之心實難得而可憫已加恩准其旌表
矣嘗讀韓愈之文曰母疾則止於烹粉藥石以爲事未聞毀
傷肢體以爲養苟不傷於義則聖賢當先厭而爲之矣可謂
朱子書曰割股固自不是若誠心爲之不求人知亦庶幾
乃有以此要譽者是先儒論及此者屢矣本朝順治年間
例割股或致傷生即冰或致凍死恐民傲傲不准旌表

我

世祖皇帝

當或者

上帝

先師鑒朕悚惕誠敬之心現茲雲物昭示瑞應朕不敢矜言祥瑞但能功過相抵朕之幸也應擇日躬詣太學

文廟祭告以申感慶之衷一切禮儀着該部速議具奏朕躬被先師之福佑普天士子誦法服膺同受

聖人之澤着將明年會試取中額數廣至四百名壬子科各省鄉試每正額十名加申一名其十名之外有零數者亦加申一名此朕體奉

先師樂育之盛心特行造就人材之曠典諸士子其各興文教行益加勉旃所請宣付史館之處知道了

建昌縣志

卷之首

上諭

五三

論禁賭博

雍正七年

論游惰之民自昔治天下之所深惡若好為賭博之人及不止於游惰而已荒棄本業廢盡家貲品行日即於卑汚心術日趨於貪詐父習之則無以訓其子主習之則無以制其效鬪毆由此而生爭訟由此而起盜賊由此而多匪類由此而聚其為人心風俗之害誠不可以悉數也大凡為不善之事者雖干犯功令猶可得微利於一時而獨至賭博則今日之所得明日即未必能保若合一年數月而計之勝者與負者同歸於盡此天下人所共知者而無如邪僻之人一入其中即迷而不悟且甘為下賤而不辭者大可悲矣數年以來屢降諭旨嚴禁而此風尙未止息者則以製造賭具之尙有其

人而有司之禁初未曾盡力也百工技藝之事可以獲利營生者何事不可爲而乃違條犯法製此壞風俗惑人心之具其非尙可言乎嘗思賭博之風所以盛行者父兄爲之子弟見而倣之家主爲之奴僕在傍見而倣之甚至婦人女子亦沉溺其中而不以爲怪總因習此者多故從風而靡者眾也假若嚴行禁止使人不敢再犯則日積月累後生子弟無從而見卽無從而學此風自然止息無俟條教號令之煩矣凡地方大吏有司有化民成俗之責而乃悠悠忽忽視爲平常安辭溺職之咎今特定本地官員勸懲之法以清其源嗣後拿獲賭博必窮究賭具之所由來其製造賭具之家果審明確有証據出於某縣將其縣知縣照溺職例革職知府革職建昌縣志卷之首上諭

五

留任督撫司道等官各降一級留任如本地有私造賭具之家而該縣能緝獲懲治者著加二級知府著加一級督撫司道等官著紀錄二次將此勸懲之法永著爲例於雍正庚戌年爲始著該督撫通行曉諭使城邑鄉村及遠陬僻壤咸使聞知特諭

論富戶

雍正七年

上諭直省各處富戶其爲士民殷實者或由於祖父之積累或已以之經營操持儉約然後能致此饒裕此乃國家之良民也其爲鄉紳有餘者非由於先世之留遺卽已身之俸祿制節謹度始能成其家計此乃國家之良吏也是以紳衿士庶中之家道殷實者實居五福之一而爲國家所愛養保護之

人則爾等本身安可不思孳孳爲善以永保其身乎夫保家之道若奢侈糜費固非所以善守而慳吝刻薄亦非所以自全周禮以鄉三物教萬民有曰孝友睦婣任卹可知公財行惠任卹之義與孝友而並重者也蓋凡民之情賤者忌人之貴貧者忌人之富彼窮乏之人旣游閒破耗自困其生又皆不知已過轉懷息於溫飽之家若富戶復以慳吝刻薄爲心朕削侵牟與小民爭利在太平盛世年順穀成之時固可相安從來遇荒歉之時貧民肆行搶奪先眾人而受其害者皆爲富不仁之家也迨富家被害之後官法究擬必將搶奪之貧民置之重典是富戶以斂財而傾其家貧民以貪利而喪其命豈非兩失之道大可憫惻者乎朕爲此勸導各富戶建昌縣志卷之廿一論

至

等平時當以體卹貧民爲念凡鄰里佃戶之窮乏者或遇年穀歉收或值青黃不接皆宜平情通融切勿坐視其困苦而不爲之援手如此則富戶濟貧民之急貧民感富戶之情居常能援急相周有事可守並相助伎求之念旣忘親睦之心必篤豈非富戶保家之善道乎從來家國一理若富戶能自保其身家貧民知共衛夫富戶一鄉如此則一鄉永靖一邑如此則一邑長寧是富戶之宜力於國也朕臨御以來屢經人條奏民間貧窮不均請行限田之法乃至逆賊曾靜私著謗書謂方今輕徭薄賦限田之法與秦併之家與貧民無涉非復行井田不能養贍天下富者一而貧者百以一人之乃理勢所萬不能行者

有欲濟眾人之不口行者未必便能成立而富戶無
受摧殘矣此乃懷欲以天下之絀論有此情理乎朕既知其
必不可行若但令地方出示曉諭飭奉陰違朕實恥而不爲
若以不能行之事委之各省督撫以示德於貧民使之感朕
恩意而以奉行不力之故歸怨於各督撫等又朕所不忍爲
者是以特頒諭旨告誡爾等富戶爲富戶者當知已之得於
天者甚厚當存濟人利物之心行救困扶危之事敦睦宗族
周卹鄉鄰下逮佃戶傭工皆加惠養則人人感其德意即可
消患於未萌況積善之家必有餘慶種福果於天地之間子
孫必長享豐厚豈不美歟着各省督撫將朕此旨通行該屬
之鄉紳士民人等共知之料朕赤子良民必不負朕期冀之
建昌縣志卷之首 上諭

五十六

誠意也特諭

諭重農 雍正七年

上諭自古帝王致治誠民莫不以重農爲首務書陳無逸先知
稼穡之艱難詩載豳風備敘田家之力作論語云百姓足君
孰與不足孟子云民事不可緩也蓋國以民爲本民以食爲
天農事者帝王所以承天養人久安長治之本也我國家撫
綏寰宇

聖祖仁皇帝臨御六十餘年深仁厚澤休養生息戶口日增生
齒益繁而直省之內地不加廣近年以來各省皆有收成其
被水歉收者不過州縣數處耳而水漬遠各覺漸貴閩廣之
間頗有不敷之慮

備之食指愈多所入不足以供出是以米少而價昂此亦理
之必然者也夫米穀爲養命之寶既賴之以生則當加意
惜而不可存輕棄之心且資之者眾尤當隨時撙節而不
可縱口腹之欲每人能省一勺在我不覺其少而積少成多
便可多養數人若數人如此則所積豈不更多所養豈不更
眾乎養生家以食少爲要訣固所以頤神養和亦所以節用
惜福也況脾主於信習慣便成自然每見食少之人其精神
氣體未嘗不壯此顯而可見者至於各省地土其不可以種
植五穀之處則不妨種他物以取利其可以種植五穀之處
則當視之如寶勤加墾治樹藝菽粟安可舍本而逐末棄膏
腴之沃壤而變爲果木之場廢養殖之恒產以倖圖贏餘之
建昌府志 卷之九 上論 五七

利乎至於烟葉一種於生人日用毫無裨益而種植必擇肥
饒善地尤爲妨農之甚者也小民較量錙銖且但顧目前不
爲久遠之計故當圖利之時若令其舍多取寡移重就輕必
非其情之所願而地方官遽繩之以法則勢有所難行轉滋
紛擾惟在良有司勸懲懇懇諄切勸諭俾小民豁然醒悟知
稼穡爲身命之所關非此不能生活而其他皆不足恃則羣
情踴躍不待督課而皆盡力於南畝矣朕聞江南江西湖廣
粵東數省有一歲再熟之稻風土如此而仍於乏食者是地
土之力有餘而播植之功不足豈非小民習於怠惰而有司
化導者有未至耶或者曰米穀太多則價賤而難於糶賣昔
人有穀賤傷農之說諺語所謂熟荒者此則不必過慮假若

小民勤於耕作收穫豐盈至價賤而難於出糶朕必多減價以
損以補買之使重農務本之良民獲利而有餘貲也朕生平
愛惜米穀每食之時雖顆粒不肯拋棄以朕玉食萬方豈虛
天庾之不給而所以如此搏節愛惜者實出於天性自然之
敬慎豈不由於勉強且以米穀乃

上天所賜以生養萬民者朕爲天下生民主惟有敬謹寶重仰
冀

天心默祐而陽時若歲獲有秋俾小民家有蓋藏人歌樂土朕
民爲億萬生民計不敢輕忽天貺爾等紳衿百姓獨不自爲
一身一家之計乎朝夕生養之需旣受

上天之賜若果加意愛惜隨時搏節則天心頻頻賜賚長享盈
嘉昌縣志卷之甫上論

阜之福若恣情縱欲暴殄天物則必上干天怒不蒙賜賚而
水旱災侵之事皆所不免其理豈有爽哉又聞江西廣西地
方竟有以米穀餉養豚豕者試思穀食之與肉食孰重孰輕
孰急孰緩而乃以

上天之所賜小民終歲勤苦之所獲者爲豢養物類之用豈不
干天和而輕民命乎朕所以惓惓訓諭者惟期天下之人專
務本業以杜浮靡愛惜物力以圖久遠其體朕敬迓

天庾勤恤民隱之意則爾等家室必益至豐饒爾等子孫必永
綿其福澤思之思之毋忽朕言著將此曉諭內外官民人等
並通行遠鄉僻壤咸使聞知特諭

上諭尙書舜典云欽哉欽哉惟刑之恤哉朱子曰所謂欽恤者
欲其詳審而直令有罪者不得免而無罪者不濫刑也吾弟
怡賢親王常奏朕云今法司衙門凡有審問事件並不究其
情之虛實動以來訊夫聽斷之下求之於辭氣耳目以察其
情設誠以待之據理以鞠之未有不得其實者何庸夾訊倘
有証佐確據情罪顯著而本犯猶狡辯不以實供則不得已
而用刑若並不詳鞠其情而概用重刑嚴訊三木之下何求
不得此重案之未免有冤抑率累也吾弟之言如此是以八
年來凡朕交王承審數十件繁難大案皆以誠敬用心以情
理感格愚頑俯孚闕實俾各自將罪犯委曲招吐從未嘗夾
訊榜楚一人而諸案情罪無不允當吾弟之存心忠厚如此
廷臣果盡忠卷之首 上諭

堯

凡為法司者皆當奉以為法也今外省有司既不能聽辨五
詞無明決折獄之才每遇重大案件至期限將滿之時慮及
處分則連用重刑該犯欲緩須臾之命凡官吏訊問之語靡
不承認遂據其供招鍛鍊成獄且凡遇命盜案件其中牽連
之人有司亦明知其無辜而欲為開釋恐致上司之翻駁遂
有非夾訊不能歸結之論夫欲保全一己之功名彌縫上司
之查駁無論情之虛實罪之輕重輒用三木以訊每致案未
結而有刑楚之人此其居心尙可問乎從前阿爾松阿為刑
部時不能判斷曲直乃各將原被告之一足共一三木此天
良喪盡之人視夾訊為兒戲其心之殘忍慘毒甚矣未幾而
身為叛逆不能保其首領

王存心仁恕固不待言而其本懷總不欲使天下有一冤抑人與國家受濫刑之議此其忠君愛國之心出於誠懇篤摯是以凡有聽斷歸乎至當能使羣議帖服刑章式敘也今吾弟仙逝之後凡啟靈大祀之日

上天必賜以清和景象而羣工黎庶各致其哀慕深情成一千古以來未有之賢王此

天之報吾弟亦云厚矣吾弟嘉謨入告之事不可勝數偶因戒飭問官輕用三木一節將吾弟敷奏之言宣示於眾且布告各省有司令咸以吾弟怡賢親王之聽訟居心奉爲案鞫之規範則明慎用刑庶幾咸中有慶矣着凡掌刑各衙門將此論刊榜永示於堂署特諭

建昌縣志

卷之首

上諭

六

欽定訓飭州縣規條論 雍正八年

上諭牧令爲親民之官一人之賢否關係萬姓之休戚故自古以來慎重其選而朕之廣覽旁求訓勉告誡冀其奏循良之績以惠我烝黎者亦備極苦心矣惟是地方事務皆發端於州縣頭緒紛繁情偽百出而膺斯任者類皆初登仕籍之人未練習於平時而欲措施於一旦無怪乎徬徨瞻顧心志茫然卽採訪咨詢而告之者未必其盡言無隱此古人所以有學製美錦之歎也向以大學士朱軾左都御史沈近思外任多年周知地方利弊雍正二年身命二臣商著規則以爲州縣之南車乃書未就緒而沈近思物故適年以來朱軾復時多病此事遂至遲延三年始成有司諸君當由文鏡李衛八

臣等所見總錄諸條以進朕親加披覽見其條理詳明
切民情吏習罔不兼該大細細目莫不備舉誠新進
之津梁庶官之模範也在二臣各就其所閱歷者而言繁簡
同異之間不必一致而慎守官方勤恤民隱興利除害易俗
移風其大指則一而已矣爰就本文付之剖劂頒賜州縣官
各一帙俾置之几案間朝夕觀覽省察提撕治效未臻必思
所以勉之弊端未革必思所以去之本之以實心行之以實
力毋始勤而終怠毋靜言而庸違如此則不但國家得司牧
之賢草野有父母之頌而爾等身膺顯擢叨被榮光福貽子
孫名標史冊豈不美歟特諭

諭蠲賦 雍正八年

建昌縣志 卷之首 上諭

空

上諭朕臨御萬方宵旰勤求惟以愛養斯民爲念數年以來除
租減稅豐沛恩膏不但旱澇歉收之處蠲賑兼施卽該省年
穀順成不須寬賦而朕欲使民力寬裕每加格外之恩蓋國
家經費旣敷則藏富於民俾各家給而人足乃朕之至願也
查各省錢糧朕特降諭旨蠲免者已多今次第舉行應及於
江西湖北湖南三省着將辛亥年江西湖北湖南三省額徵
錢糧各蠲免四十萬兩又念直隸乃畿輔首善之地歷沛殊
恩山東今歲被水之州縣稍多朕心深爲軫念除二省勞績
地方已加意賑恤並將本年額賦照例蠲免外着將辛亥年
直隸山東通省錢糧各蠲免四十萬兩以上五省共免正賦
二百萬兩各該督撫應仰體朕心嚴飭有司敬謹遵行務令

閭閻均沾實惠倘奉行稍有不善或被官吏侵漁或有矜棍包攬等弊一經發覺必重治其罪並將大小官員嚴加議處特諭

上諭亭在縣治東關凡屆

萬壽冬至元旦先一日習儀公所敬設

龍亭於

上諭亭是日五鼓文武各官朝服集丹墀下文東武西禮生贊引班序至拜位行三跪九叩禮禮畢退歲如度

